

# Korinthi Chostshogsla Paului Chagdis Tanpo.

## Korinthi chostshogsla Paului chagdisi skor.

I chagdis tan sñunme chostshogssi uskyongun gyudte, ñadañña i chagdispo Tsoo Yeshu mashike skutshabs Paului ñia dzadkhanbo gyus chanog.

Chossi khaspagun gyudte, i chagdispo Yeshu tonste sontea zhanste stiñne lo 22 nyekhorla ñia dzadkhanbo ñadañgunla gyus chanog. I chagdispo khonñi ephesassi nañña yodtus ñia dzadte innog.

Paului i chagdisi nañña Korinthi Mashikapagunni tadpa tan mitshe phudcessi skorla tiwa ñikhangunla lantañces matshad, khonñgunni chostshogssi nañña curin yodkhanni northulgunni skorla, skyomocanni nastshul tshorcespoe ñia dzads.

Tegun:-

1, choschogssi nañña, khag budte uskyonj sosoe gyabne ñulces, dziñmo, lusñel ñanpe scodpa lusshugste yodkhan tshanma medkhan coces;

2, bagston coces ya macoa dugces nyiskoe nañne kabo gyalla in teboe skorla labba dzadces;

3, khonñi ñadañgunla mashike nañña ranwanj yodcespo labba dzads. Innan ñadañgunni cizhig conan zhanma Mashikapagunni phanthogssi phia, camspe nañña, cogos kaboe khonñgunla khoranñi tadpe nañña ghaggyab micug;

4, skundañgunla chodpa phulkhanni zan zacespo chogste inna man teboe skorla labba dzadces;

5, chostshogsla salla dzadkhanni khyudgun yan tenañne kagun chostshogs ldancesi phia khagcan in teboe skorla labba dzadces;

6, shite sontea lanña dzadces yan ñadañgunni zugspo somabo kazugshig yonin teboe skor labba dzadces;

7, makedoniye chostshogsgunla thugste stiñne, Korinthi chostshogsla yanşkyar thugga yonçessi thabdiñşgun shadda dzadces.

## Paului chogsne ju.

### 1:1 ne 3

**1** <sup>1</sup> I igebo ña Paulu Konchoggi thuggonş nañzhin, Mashika Yeshui skutshabsla Idamma dzadkhanni chogsne in. Dadaññi spun Sosthenessianj ju kaldug. <sup>2</sup> De i igebo, Korinthi gyalse Konchoggi chostshogsgunla kallad. Konchoggi khyozhaa khonñi mi dampagun gyurcesla bodda dzads, yan Mashika gyudte khyozhagun stsanma coa dzads, kazug khonñi jigsten ganpoe nañña Tsoo Yeshu mashikeka tadpa khyonkhan tshanma nyampo coa dzadte innog. Khon ni, ñadañgun tan khonñgunni Tsoo zhugste innog. <sup>3</sup> Konchog ñadañgunni yab tan Tsoo Yeshu mashike thugje tan zhide khyozhagunla salshig.

## Paului Konchogga thugrjeche zhua dzads.

### 1:4 ne 9

<sup>4</sup> Khyozhagunni phia ñe tusgyun ñarañji Konchogga thugrjeche zhuad, ciazhuna khonji mashike nañña khyozhagunla khonrañji thugrje salla dzadte innog. <sup>5</sup> Mashika gyudte Konchoggi khyozhe chostshogsgunla cisathogne cinlabs salla dzadte innog, migsalli gamoe nastshul shadces tañ khonji labzha tshañma hagocessi nañña. <sup>6</sup> Teboe, ñazhagunni khyozhagunla mashike skorla shadkhangun tañpo inkhanbo stannanog. <sup>7</sup> Tennaboephia ñadañgunni Tsoo Yesu Mashika logste phebsshessi phia khyozhagun riñsin şurj zane, khyozhagunni lagga ghosdom yodkhanni semsnyiddi khyud tshañma yodte innog. <sup>8</sup> Ðadañgunni Tsoo Yesu Mashika logste phebcessi zhagga, skyonmedkhan thecessi phia, Konchoggi khyozha shishi tshogpa, tadpe nañña stanpo borra dzadin. <sup>9</sup> Konchoggi tebo coa dzadin, ciazerna khonj ni idshescanzhig zhugste innog. Khonji khyozhagun ñadañgunni Tsoo khonrañji şas Yesu Mashika nyampo ðel borcesla, bodda dzadte innog.

## Chostshogssi nañña thundel medkhan.

### 1:10 ne 17

<sup>10</sup> Ðe spungun, ñadañgunni Tsoo Yesu mashike ñaa wañ salla dzadkhan gyudte khyozhagun thundel nyampo dugces, chostshogssi nañña pobudte tshogschurj soso medces yañ samtshul tañ thagcadgunnañ cig yoñcesla ñe maşante zhuwa phullad. <sup>11</sup> Spungun, ñe igun zerrad, ciazerna Khaloi zerkhanni spunmoboe nañmi khaciggi, khyozhagunni ðoa dziñmo yodkhanni skorla shaddarag. <sup>12</sup> Kazug "Khyozhaa khaciggi 'Ðaa Paului labzhe gyabne' khaciggi 'Ðaa Apolossi labzhe gyabne', ya 'Ðaa Piñari labzhe gyabne', ya 'Ðaa Mashika cipoe gyabne' ðullad zerin innog."

<sup>13</sup> Ci Mashika tshogspa soso riggi nañña goa dzadte innogga? Ci ña Paulu khyozhagunni phia şkyañşhiñjika şkyañssa? Ci khyozhagunni ðone suzhigga Paului miñji nañña thustañsa? Tantanla matañş. <sup>14</sup> Ðe khyozhagunni ðone spun Krispus tañ Gayus gunla mastogs, zhansuzhiggañ thus matañşkhanboe phia Konchogga thugrjeche zhuad. <sup>15</sup> Ciazerna lobtugs gyurcessi phia ñe khongunla thus tañste in suzhiggañ zer minyan. <sup>16</sup> (Ona spun Stephannassi nañmigunlañ, ñe thus tañspin, tennabo mane zhansuzhiggañ thus tañkhan ñaa idtu merag). <sup>17</sup> Mashike ñaa thus tañcesla manpa, gamoe nastshul shadcesla lamcugga dzads. Mashike şkyañşhiñji khyudpo mistorcessi phia ñe gamoe nastshul shad zane shesrabsكاني spera kollamed.

## Konchoggi shesrabs.

### 1:18 ne 31

<sup>18</sup> ðhestor chacessi lammika ðulkhan migunni phia şkyañşhiñjika Mashika şkyañşkhanni lonbo tonmedzhig innog. Innañ ñadañ skyobba dzadin yodkhangunla

tenna lonbo Konchoggi khyudcan stobspo innog. <sup>19</sup> Kazug dampe sunrabssi narŋa Konchoggi moldug.

"Mi khaspe shesrabsgun

Yaŋ khoranŋ rigpacan in samkhangunni

Samtshulgunla caŋ rin medkhanbo ŋe stanin.<sup>a</sup>"

<sup>20</sup> Tene shesrabscangun ya yontancan khaspagun ya spera shadkhan khaspagun karu soŋ? Konchoggi i jigstenpe shesrabsgun tonmed inkhanbo stanna dzadte manogga? <sup>21</sup> Jigstenpagunla khoranŋi shesrabsgun gyudte Konchog shes minyancespo khonŋi thagcadda dzadspa, Konchoggi ŋazhe tonmeddi lon shadkhanboe narŋa, idshes cokhangun skyobba dzadcesla thabldiŋs dzads. <sup>22</sup> Namkhane stagsrig thonŋe mane, idshes mico zerkhanni Yahudapagunni phia, te lonbo tonmed innog, yaŋ jigstenni shesrabs tsalin dulkhanni Yahudapa mankhangunni phiaŋ, tonmed innog. <sup>23</sup> Dazhe Mashika ŋkyanŋshinŋika ŋkyanŋkhanni skorla chosshadkhanbo Yahudapagunni phia tadpa cocesla ghaggyabkhanni rdoa yaŋ Yahudapa mankhangunni phia ibo tonmed innog.

<sup>24</sup> Innanŋ Konchoggi tharpa thobcesla bodda dzadkhanni, Yahudapa taŋ Yahudapa mankhan nyiskoe phia, mashike lonbo ni, Konchoggi shesrabs taŋ shed gun innog. <sup>25</sup> Zhan Konchoggi tharpe thabspo tonmed thenaŋ, tebo ni mii thabs cheshoggunni saŋ maŋŋa shesrabscan yaŋ Konchoggi uthugspoanŋ, mii khyud shedshogpoe saŋ maŋŋa shedcanzhig innog.

<sup>26</sup> Spungun idtu coshig, Konchoggi khyozhagun bodda dzad zane, khyozha maŋcheabo, jigstenpe thogne khaspa ya stobscan ya stsiwacan manpin. <sup>27</sup> Matshad, khoranŋ khaspa rig in samkhangun, thelba cocessi phia, Konchoggi jigstenpagunni tonmed samkhanni tenna migun Idamma dzadte inpin. Yaŋ khonŋi wanŋanganla thelba coa dzadcessi phia shedmed yodkhan tenna migun Idamma dzadte inpin. <sup>28</sup> Jigstenpagunni khagcan innog samkhangun medkhan coa dzadcesla khonŋi jigstenpe thogne rinmed, stsiwa medkhan taŋ khagcan mankhan theakhanni migun, Idamma dzadte inpin. <sup>29</sup> Teboe zhaste, Konchoggi skundunla phoso suzhiggianŋ co minyan.

<sup>30</sup> Khyozhagunni Mashika Yeshu nyampo thunŋelbo ni Konchoggi zhaste in, Mashika ni ŋadarŋi phia shesrabs, taŋpo, stsarŋma taŋ rin shalkhanbo gyurra dzads. <sup>31</sup> Kazuggi dampe sunrabssi narŋa molte dug,

"Kaltas khyozhagun phoso conyin yodna tene Tsoo Konchog cigpoeka phoso tshorshig.<sup>b</sup>"

### Shesrabssi skorla Paului labzha.

#### 2:1 ne 16

**2** <sup>1</sup> Spungun khyozhaa Konchoggi saŋwe thabspo shadcesla ŋaa gomaraŋ yonŋ zane, ŋe taŋpo shesrabs ya halasshessi tshigs makolpin. <sup>2</sup> Ciazerna

<sup>a</sup>1:19 Yeshya speche 29:14

<sup>b</sup>1:31 yeremyi speche 9:24

ña khyozhaa nyampo yod zane, ñe khyozhagunla şkyanşhiñjika şkyanşkhanni Yeshu Mashika cigpo mastogs zhanyar cizhiggi skorla mishadces thagcadpin. <sup>3</sup> Khyozhagun nyampo yodtus, mashike chaglas cocessi narña ña uthugs, ðhelkhan tarj jigskhanzhig tshorra ragpin. <sup>4</sup> De labzha tarj chosshadces gun hagoala lamo yarj ðhulces tarj khaspa speragunnika rag malassa, ñe dampe thugnyiddi khyozhagunni narña chaglas dzadcespoeka idshes coste labzha tarjspin. <sup>5</sup> De tebo khyozhagunni, mii shesrabssika manpa, Konchoggi sheddi narña idshes cocessi phia cospin.

<sup>6</sup> Tadpe narña ldankhangunni ðoa yod zane, ñe shesrabscanni tshigsgun nyampo spera tarñjad. Innar te shesrabsgun, gyogspa medkhan chacescanni i jigstenpa ya i jigstenni warşulpa gunni manog. <sup>7</sup> Dazhe spera tarñkhanni shesrabspo ni, Konchoggi sarwe thabspo innog, kabo khonñi vaste borra dzadte in. Innar ñadangunla zirrijid thobcessi phia jigsten machagssi sarj sñunla, khonñi i thabspo coa dzadte inpin. <sup>8</sup> I jigstenni warşulpagunni te sarwe thabspo, hamagoa innog. Kaltas hagopinna, khonñgunni ñadarñi zirrijidcanni Tsoobo şkyanşhiñjika şkyanşte medðo. <sup>9</sup> Tennaboephia dampe sunrabssi narña molte innog

" Suzhiggian mathonkhan ya matshorkhan

Ya sambe narña medkhanzhig

Konchogga cessa cokhangunni phia

Ðaldig coa dzadte yodte innog.<sup>c</sup>"

<sup>10</sup> Innar tegun Konchog khonñarñi thugnyidboe, ñadangunla sñon cugga dzadte innog. Dampe thugnyidla citşarñma thuggyus innog, Konchoggi sarwagunnar.

<sup>11</sup> Mizhiggi samkhangun tenna miboe semsnyid mastogs zhan sumizhiggar gyus chamanog. Tenna tsogsla Konchoggi thugssamgun khonñi thugnyid cigpo mastogs, zhansuzhiggar gyuscha manog. <sup>12</sup> Yarj ñadangunla jigstenpe semsnyid manpa, Konchoggi thugnyid thobste incespoe, ñadangunla Konchoggi halasshessi skyesgun rin medpa salla dzadkhanbo hago thubste innog.

<sup>13</sup> Khyozhagunla te tşarñme skorla shad zane, ñazhe mii shesrabsne curkhanni tshigsgun makolla, thugnyiddi salkhanni tshigsgun gyudte, spera tarñjad. Thugnyiddi denbagun<sup>d</sup> labcesla thugnyidcanni tshigsgun kollad. <sup>14</sup> Innar thugnyid medkhanni miboe, Konchoggi thugnyidne yonşkhanni denbagunnika idshes coa manog. Te miboa igun tonmed tşorranog, yarj khoa hagoa manog, ciazerna thugnyid yodkhangunla mastogs, yarşuar tegun hago thubba manog. <sup>15</sup> Thugnyid yodkhangunni citşarñme skorla stagcad coste hagonyannanog, innar thugnyid medkhangunni thugnyid yodkhangunni cozo tarj samzo gun hago thubba manog.

<sup>16</sup> Ciazerna

"Sua Tsooe thugssamgun gyus chen?

Sui lagga, khonñ labzha tarñcessi shesrabs yod?<sup>e</sup>"

<sup>c</sup>2:9 Yeshya speche 64:4

<sup>d</sup>2:13 thugnyiddi denbagun ni te denbagun innog kabo ñadarñi migne thonñ mithub innar Konchoggi ñadangunla sñon cugga dzaddanog.

<sup>e</sup>2:16 Yeshya speche 40:13

Innaŋ ɗaɗaŋgunni naŋŋa mashike thugssamgun yod pasan, ɗaɗaŋgunla tegun hagothubbanog.

### Mashike zhabstogpa Paulu taŋ Apolos.

#### 3:1 ne 23

**3**<sup>1</sup> Spungun ɗa khyozhagun nyampo yodtus, ɗe khyozhaa lab zane, thugnyiddi naŋŋa Idankhanni migun tsogsla lab manyanna, i jigstenpa ya mashike tadpe naŋŋa ɗugu chuŋun gun tsogsla labgos. <sup>2</sup> De khyozhagunla zan manpa, oma stergos, ciazerna khyozhagun zan zacesla ɗaldig midugpin, yaŋ taruŋŋaŋ khyozhagun ɗaldig medpa innog. <sup>3</sup> Taruŋŋaŋ i jigstenpe phudkhan tsogssi mitshe, khyozhagunniyaŋ phuddug. Khyozhagunni naŋŋa cig taŋ ciggi phia tshigces taŋ dziŋmo yodte innog. Ci tebo khyozhagunnika khyozharaŋŋi sdigpe dodpagunni waŋsulte manogga? Ci khyozhagunni, jigstenpagun tsogsla mitshe phudinzhiŋ medda? <sup>4</sup> Nam khyozhe ɗone ciggi, "Da ni Paului gyabne ɗullad" yaŋciggi, "Da ni Apolossi gyabne ɗullad" zerna, ci khyozhagunni i jigstenpagun tsogs coste manogga?

<sup>5</sup> Su innog Apolos? Su innog Paulu? Dazhaa ni Konchoggi zhabstogpa zhiŋ in, kagun gyudte, khyozhagunni gamoe nastshulli naŋŋa idshes coste innog. Tsooe salla dzadkhanni raŋraŋŋi lasgun ɗazhe coste innog. <sup>6</sup> De khyozhe snyingunni naŋŋa saon tabste, Apolossi teboa chu taŋste innog, innaŋ tebo Idan cugga dzadkhanbo ni, Konchog zhugste innog. <sup>7</sup> Saon tabkhan ya chu taŋkhanbo khagcan manog, khagcan ni saon Idan cugga dzadkhanni Konchogpo innog. <sup>8</sup> Saon tabkhan taŋ chu taŋskhangunni nyampo dodpa cig borte las coste innog. Yaŋ khor nyiskoa zhabstog zhukhan naŋzhiŋla solras thobin. <sup>9</sup> Dazhaa nyisko Konchoggi zhabstogpa yaŋ khyozhagun khorŋi zhiŋ taŋ phoɗaŋ gun innog.

<sup>10</sup> Konchoggi thugrje ɗe naŋŋa yodcespoe zhaste ɗe stsigspoon khaspazhiŋ tsogsla, Konchoggi phoɗaŋŋi magldanbo taŋspin. Ta zhanmagunni teka stsigin innog. Teka stsigkhangunni maŋaŋte naŋŋa taŋste stsiggos. <sup>11</sup> Ciazerna ɗazhe stsigste yodkhan Yeshu mashike magldan cigpo mastogs, suzhiggiyaŋ yaŋ magldanzhiŋ taŋ minyan.

<sup>12</sup> Te magldanboika stsigkhangunni rinthaŋ sosoe gyu snatshogs rig kolɗidces innog, sperna, khaciggi ser, mul taŋ, rincan rdoa gun yaŋ khaciggi shiŋ, phugma, ya tsaskampo gun. <sup>13</sup> Innaŋ ɗimscaddi zhagga, te stsigspoon rere las cokhanbo, me gyudte sɗonin. Tenna meboe stagcad coste mi ree lasgunni rinthaŋ stanin. <sup>14</sup> Kaltes mee naŋŋa soŋteyaŋ laspo medkhan machana, te stsigspoonboa solras thobin. <sup>15</sup> Kaltes laspo mea zhenna, te stsigspoonboe ciŋshaŋma medkhan chen, innaŋ me naŋŋe mizhiŋ kagspo nyampo skyobba tsogsla kho skyobin.

<sup>16</sup> Ci khyozhaa, chostshogspo Konchoggi chodkhaŋ yaŋ Konchoggi thugnyid khyozhagunni naŋŋa zhugskhanbo, gyuscha meragga? <sup>17</sup> Kaltes suzhiggi i chodkhaŋbo shigces cona, khoa Konchoggi medkhan dzadin, ciazerna Konchoggi chodkhaŋ dampa innog, yaŋ khyozhagun tenna chodkhaŋbo innog.

<sup>18</sup> Ranđanraŋa gobmaskorshig. Kaltes i jigstenpe samkhan tsogsla khyozhear khyozharan shesrabscan in sammadna, tene khyozhagun denbaa shesrabscan gyurcessi phia sammed rig gyurgos. <sup>19</sup> Ciazerna Konchoggi thogne, i jigstenni shesrabspo ni sammedcig innog, kazuggi dampe sunrabssi naŋa molte dug "Khoranji skyonjanni thabsgun kolte Konchoggi shesrabscangun zumma dzads."<sup>f</sup> <sup>20</sup> Yar ıboar molte yodte innog, "Jigstenni shesrabscanni sambagun Tsooe khyenna dzaddanog, yar tegun rinmed inkhanbo khorŋa thuggyus innog."<sup>g</sup> <sup>21–22</sup> Tennaboephia chostshogssi sponboe gyabne, ɔulcessi naŋa phoso macoshig, ciazerna citshaŋma khyozhagunni innog. Denba Paulu, Apolos, Piŋar, jigsten, mitshe, shices, dagsa tar yorɔcescan tshaŋma khyozhagunni phanthogssi phia innog. <sup>23</sup> Yar khyozhagun mashike innog yar Mashika Konchoggi innog.

### Korinthi chostshogs nyampo Paului ɔel.

#### 4:1 ne 21

**4** <sup>1</sup> Teboephia Apolos tar ŋaa, Konchoggi saŋwe thabssi skorla, hagocugcessi khag kalla dzadhanni mashike yogpo tsogs samgosces innog. <sup>2</sup> Ta tezug khagcan khag kalkhanni mibo idshescanzhig yongos. <sup>3</sup> Fhimspen ya khyozhe ŋe lassi skorla thagcad tarŋa, ŋaa car tsherces merag, ŋe ŋaranŋear te skorla thagcad tarŋamed. <sup>4</sup> De semspo lagmo in, innar teboe ŋa norŋmed inkhan stanna manog. Tsoo cigpoe, ŋaa stagcad coa dzadte thagcad dzadin.

<sup>5</sup> Teboephia Konchoggi Idamma dzadhanni tus yarŋa Mashika logste phebssi sar sŋunla, suzhiggi skorlar thagcad matarshig. Ciazerna khorŋi ŋadanunni munnaggi naŋa vaste yodkhangun oddi naŋa khyorŋa dzadte ŋadar ranraŋ sosoe las cokhanni gyuntshan sŋon cugga dzadin. Tene Konchoggi mi rerea ospa narzhin stodpa salla dzadin.

<sup>6</sup> Spungun khyozhe phanthogssi phia ŋe labzha tarŋkhangunni naŋa Apolos tar ŋaran spe tshulla kolpin. Kaltes dampe sunrabssi naŋa "Griiskhanni sar thalte machaa" molkhanboeka naŋa coadna, tene khyozhaa lobbon cig, zhangunni sar tagpo stsiste khoe gyabne ɔulcesla phoso mitshor. <sup>7</sup> Khyozhagunla tezug thagcad tarŋcessi thobtar sui tarŋ? Khyozhagunni lagga yodkhan tshaŋma Konchoggi salla dzadte manogga? Kaltes Konchoggi salla dzadte inna, tene khyozhe mankhan, Konchoggi salkhanni khyudgunnika kazuggi phoso coad?

<sup>8</sup> Khyozhagunni lagga ghosdom tshaŋma yod, yar chugpo in samma ragga? Ci khyozhagunni Konchoggi gyałsiddi naŋa ŋazhagun medpa warŋsulces gozug co tsharte inna? De dodpa coad denbaa khyozhagunni warŋsulın yodshigphiar, tene ŋadanunni nyampo warŋsulladdo. <sup>9</sup> Parparriga ŋe sammaraŋ, Konchoggi ŋazhaa mashike skutshabsgun jigstenpa garpo tar phonya gunni dunla stanmo stanna borkhan tsogsshig dug, kazuggi sadcesla thimscad tarŋkhanni maggi tsonpagun gyalkhaa thobkhanni thomsskorri stinjugga borrad.

<sup>f</sup>3:19 Yobbi speche 5:13

<sup>g</sup>3:20 sunŋurri speche 94:11

<sup>10</sup> Dazhagunni mashike phia zhabstog zhucespoe, ñazhagun sammed tsogsshig thon̄dug, innar̄ khyozhagunni mashike nar̄ña man̄stear̄ khaspa rig in samdug. Dazhagun uthugs rig, khyozhagun shedcan rig. Khyozhagunla stsiwa tar̄ ñazhagunnika habgod tar̄s. <sup>11</sup> Dagsar̄ ñazhagunla stogshes tar̄ skomshes yon̄dug, yar̄ ñazhagun Koslag snyin̄pa cadpo gonnad. Dazhagunla rdungyab tar̄s, yar̄ dugse khar̄par̄ med. <sup>12</sup> Mitshee ghosdomgun rigcessi phia ñazhagunni šante ñar̄ñar̄al tshogpala, ñazharar̄ñi lagpane las coad. Dazhaa ñan tabkhangunla ñazhagunni cinlabs tar̄ñad. Nags stan zane, ñazhe zodpa nyampo khurrad. <sup>13</sup> Dazhaa ñan tabkhangunla ñazhagunni spera zar̄po nyampo lantar̄ñad. Dagsar̄ ñazhagunla, jigsten gar̄poe thugshog rigsñan migun matshad, khyimsa khamlog tsogs therug.

<sup>14</sup> De i zerkhan tšar̄ñma khyozhagunla ðelba cocessi phia ðiamed, innar̄ ñarar̄ñi cespe ðugugun tsogsla spar̄puddad. <sup>15</sup> Khyozhagunla mashike skorla labkhan stor̄cu yodnar̄, khyozhagunla semsnyiddi thogne, aba cig yodte innog. Ciazerna nam ñe khyozhagunla gamoe nastshul shads, ña Mashika Yeshui nar̄ña khyozhagunni aba gyurte inpin.

<sup>16</sup> De khyozhagunla, ña tsogssi mitshe phudcesla snyin̄ne zhuwa phullad. <sup>17</sup> Tennaboephia Tsooe nar̄ña ñe ñarar̄ñi cespa tar̄ idshescanni butsha Timothi khyozhagun yodsa lamcugspin. Mitshe phudcessi skorla kar̄ñsa chostshogs tšar̄ñme nar̄ña ñe labkhan tsogssi mitshe, ñe Mashika Yeshui gyabne ðulin phudkhanboe skorla Timothii khyozhagunla idtu skulin.

<sup>18</sup> Da khyozhagun yodsa yar̄skyar̄ thuggala yon̄ña manog samste, khyozhagunni ðone khacig phosocan gyurte yodtigrag. <sup>19</sup> Konchoggi thuggoñs yodna, ña gyogspa yon̄in. Tene ñe te phosocangunni samba medkhanni spera, ya khon̄gunni nar̄ña Konchoggi denbe war̄chagun yodkhanbo Ita thubin. <sup>20</sup> Ciazerna Konchoggi gyašiddi nar̄ña dugkhangunni, spera cigpo manpa Konchoggi war̄che nar̄ña mitshee phuddanog. <sup>21</sup> Khyozhagunni kabo Idammad? Da khyozhagun yodsa berka khurte chadpa caddala yon̄ña ya cespa tar̄ semsnyid pasmo nyampo yon̄?

### **Chostshogssi nar̄ña lusðel ñanpaa skyonrjod dzads.**

#### **5:1 ne 13**

**5**<sup>1</sup> Khyozhagunni ðoa tezug lusðel ñanpa rig dug zerte tšhor, kabo tadpa medkhangunniar̄ coa manog, khyozhe chostshogssi nar̄ña butshazhiggi khorar̄ñi matshabs<sup>h</sup> nyampo lusðel bordug zerte ñaa shaddarag. <sup>2</sup> Khyozhagunni rdugpo tar̄ ðelbe nar̄ña nyan̄an coste, te mibo chostshogssi ðone phingoshes innog. Innar̄ khyozhagunni teboeka phoso tšhordug.

<sup>3–4</sup> Zhan ña ñarar̄ khyozhagunni ðoa mednar̄, semsnyiddi thogne ña khyozhaa nyampo in. Yar̄ ña teru khyozhaa nyampo yodkhan tsogsla, ñe Tsoo Yeshui war̄ñi nar̄ña, te miboeka ðhimscad tar̄ tšharte in. Khyozhaa chostshogs gar̄po dzom zane, ñe sems yar̄ Tsoo Yeshui khyud, khyozhagun nyampo yon̄in. <sup>5</sup> Tene khoa rdugñal thon̄te dodpa ñanpagunni kane gyodpa skyeste, Tsoo logste phebshessi

<sup>h</sup>5:1 matshabs ni abe nama nyespa zerranog.

zhagga, kho skyobcessi phia khyozhagunni te mibo chostshogsne philogga phirjste rdudgunni goba shetanni lagga stadgos.

<sup>6</sup>Khyozhagunni teboeka phoso cocespo ni jigsnaŋcan zhiġ dug. Ci i sdigpabo pagpe gaŋpoe naŋŋa, phelkhanni skyur chuŋun tsogs inkhanbo khyozhagunla gyuscha meragga? <sup>7</sup>Khyozhagunni ŋone skyur snyinjapabo phirjste medkhan cogos. Tene skyur medkhanni pagpe soma ruskhan tsogs, khyozhagun dampa gyurin, kabo khyozhagun denba innog, ciazerna pesaggi lugu Mashika ŋadanŋi sdigpagunni phia chodpa phulla dzads. <sup>8</sup>Teboephia ŋadanŋunni ŋansems taŋ ŋanpa skyur snyinjpe tagi nyampo gaston macoa, stsarŋma taŋ taŋpoe skyur medkhanni tagibo nyampo gaston coin<sup>i</sup>.

<sup>9</sup>De khyozhagunla sŋunla ŋi zane, lusŋel ŋanpa borkhanni migun nyampo miŋesshessi phia zerpın. <sup>10</sup>Innaŋ tadpa medkhan kagun lusŋel ŋanpagunni naŋŋa ŋessad ya nornabscan ya gobskorkhan ya skunŋa gunla choscokhan gunni skorla ŋe zerte man, kaltes inpinna tene khyozhagunla i jigsten phangoste yodŋo. <sup>11</sup>De ŋicessi tontagpo ni khyozhagun, tadpacan in zerinnaŋ, lusŋel ŋanpe naŋŋa ŋeskhan ya nornabs yodkhan, ya skunŋa colkhan, zhanme skorla stsogpo zerkhan, ya raroskhan, ya migunla gobskor taŋkhan gun nyampo ŋel micocespo in. Tetsogssi migun nyampo zannaŋ mazashig.

<sup>12</sup>Chostshogssi philogga yodkhanni tadpa medkhangunla ŋimscad taŋcespo ŋe khag man. Innaŋ chostshogssi ininzhig sdigpa cokhangunla ŋimscad taŋcespo tantanla khyozhagunni khag innog. <sup>13</sup>Konchoggi tadpa medkhangunla ŋimscadda dzadin. Dampe sunŋabssi naŋŋa molte dug, "Khyozhagunni ŋone mi ŋanbo phingos.<sup>j</sup>"

### **Tadpacangun ŋimskhuŋŋa khyer macug.**

#### **6:1 ne 11**

**6**<sup>1</sup>Kaltes khyozha suzhigga zhanyaŋ tadpacanzhiġ nyampo dziŋmo chana, kazuggi khyozhe te mibo zhanyaŋ tadpacangunni dunla makhyerra, zhuŋŋi ŋimskhuŋŋa khyercessi hampa coad? <sup>2</sup>Ci ŋadan tadpacangunni jigstenpagunla ŋimscad taŋcespo khyozhagunla gyusmedda? Yaŋ kaltes khyozhagunni jigstenpagunla ŋimscaddadna, ci khyozhagunni ŋoa i naslug chuŋunboa ŋimscad taŋcessi khyud medda? <sup>3</sup>Dadanŋunni phonyagunla ŋimscad taŋcespo, khyozhagunla gyusmedda? Tennaboephia mitshee naŋŋa cuŋkhanni dziŋmogun tantanla khyozhagunni sel nyangos. <sup>4</sup>Kaltes khyozhagunni naŋŋa dziŋmo rig chadna, tene cia chostshogsne philogga chostshogssi naŋŋa caŋ khag medkhanni ŋimspogunnika chad. <sup>5</sup>De ibo khyozhagun ŋelcugcesla zerrad, ci chostshogssi naŋŋa i nasluggunla ŋimscad nyancesi phia, mi shesrabscan ciggaŋ mirugga?

<sup>i</sup>5:8 Israelpagun Ijibbi waŋŋi yogne tharte stiŋne Yahudapagunni khonŋarŋgunni raŋwanpo pesaggi gastonni tusla stsiadpin. Tetus khonggunni khaŋpe naŋŋa skyur medkhanbo tantan coces yaŋ khonggunni skyur medkhanni tagi zadpin.

<sup>j</sup>5:13 ŋimssi specha nyispe 17:7; 19:19; 21:21, 24; 24:7



<sup>6</sup> Cia khyozhe ʔone ciggi zhanyaŋ mizhig ʔhimskuŋŋa tadpa medkhangunni lagga shags coala khyerrad?

<sup>7</sup> Khyozhagunni i dzirŋmogun ʔhimskuŋŋa khyerracig, khyozhaa phams tsharte innog. Tesanʔa miospa chacugna migyalla? Gobskorcugna migyalla? <sup>8</sup> Innaŋ khyozhagunniaŋ northul taŋ gobskor taŋdug, raŋŋi tadpacanni spungunlaŋ. <sup>9</sup> Ci, lasŋan cokhangun Konchoggi gyałšiddi naŋŋa zhugs minyancespo khyozhagunla gyusmedda? Raŋdaŋraŋŋa gobmaskorshig. Lusdel ŋanpa, skunđa colkhan, raŋŋi zhidmad manpa zhanyaŋzhig nyampo lusdel cokhan, butsha zugstsoŋkhan, butsha taŋ butsha gunni parla ya bumo taŋ bumo gunni parla lusdel cokhan, <sup>10</sup> škunma škukhan, nornabscan, raroskhan, zhanmaa ŋan tabkhan taŋ migunla gobskorkhan gun Konchoggi gyałšiddi naŋŋa cha minyan. <sup>11</sup> Tusshigga khyozhaa khaciggaŋ te migun tsogs yodpin. Innaŋ Tsoo Yesu mashikeka tadpa khyoŋces yaŋ ŋadaŋŋi Konchoggi thugnyiddi khyozhagun stsaŋma taŋ dampa coa dzadte Konchoggi skundunla mi taŋpo rig theadzadte innog.

### **Lusdel ŋanpagunne thagraŋŋa dugces.**

#### **6:12 ne 20**

<sup>12</sup> Khyozhagunni ʔone khaciggi zerranog "Daa citshaŋma cochogin." Innaŋ ŋe zerrad "Citshaŋma khyozhagunni phia gyallazhig man." Deaŋ zeryances innog "Daa cizhig conaŋ cochogin" innaŋ ŋe ŋaraŋ cizhiggiaŋ yogpo mane gyur micug. <sup>13</sup> Khyozhagunni ʔone khaciggi zerranog "Zanbo dođpe phia coste innog yaŋ dođpabo zanni phia." Innaŋ zhagshig Konchoggi te nyisko medkhan coa dzadcespo taŋpo manogga? Dadaŋgunni zugspobo lusdel ŋanpa manpa, Tsooa zhabstog zhucessi phia dzadte innog, yaŋ Tsooe ŋadaŋgunni zugspoa stastog dzaddanog. <sup>14</sup> Ciazerna Konchoggi ŋadaŋgun khonraŋŋi shed gyudte, shikhangunni ʔone sontea laŋŋa dzadin, kazuggi khonŋi ŋadaŋgunni Tsoo Yesu shikhangunni ʔone sontea laŋŋa dzads.

<sup>15</sup> Ci ŋospoa khyozhe zugspo mashike khagcig inkhanbo, khyozhagunla gyusmedda? Tene mizhiggi mashike khag inkhanni te zugspobo, zugstsoŋmazhig nyampo dođsala khyergossa? Mane magos. <sup>16</sup> Zugstsoŋma nyampo dođskhanni mibo te bumo nyampo zugspo cig gyurkhanbo, khyozhagunla gyusmedda? Ciazerna dampe suŋrabssi naŋŋa molte innog "Butsha taŋ bumo nyisko dođte zugspo cig gyurin.<sup>k</sup>" <sup>17</sup> Innaŋ kaltes mizhig Tsoo Yesu nyampo dođna, kho khon nyampo thugnyiddi naŋŋa cig gyurin.

<sup>18</sup> Lusdel ŋanpe kane shorte soŋshig. I sdigpe zugspoa nodskyalkhan tsogs, zhanyaŋ sdigpazhiggi nodskyal minyan, ciazerna lusdel ŋanpe sdigpabo raŋŋi zugspoe gyabgalla innog. <sup>19</sup> Khyozhagunni zugspo dampe thugnyiddi chodkhan inkhanbo, ci khyozhagunla gyuscha meragga? Khon khyozhagunni naŋŋa zhugssad yaŋ khyozhagunla Konchoggi salla dzadte in. Ta khyozhaa khyozharaŋŋi manog. <sup>20</sup> Ciazerna Konchoggi khyozhagun rin chenmozhig shalla dzadte nyoa

dzadte in. Tennaboephia khyozhagunni khyozharanji zugspo nyampo Konchogga stsiwa cogos.

### **Nama cocessi skorla labzha.**

#### **7:1 ne 40**

**7**<sup>1</sup> Ta khyozhagunni igei nanja tiwa tiste yodkhanni lanla, ona, butsha ya bumo gunni nama macona gyalla innog. <sup>2</sup> Innan jigstenni nanja lusdel nanpa manstear yod pasan, butsha reera nama cig yar bumo reera magpa cig yongoshes innog.

<sup>3</sup> Magpe khoranji name lusdelli ghosdomgun dūbcuggos, yar name khoranji magpe lusdelli ghosdomgun dūbcuggos. <sup>4</sup> Tebo ni name khoranji zugspoeka khoranji magpaa wancha yar magpe khoranji zugspoeka khoranji namaa wancha tarjanog.

<sup>5</sup> Khyozharan manja moslammi nanja tar nyancesi phia khyozhaa nyiskoe khachamste, tus nyununzhig lusdel mico samna mastogs, khyozhaa nyiskoe parla zugspoe ghosdomgun macoa madugshig. Tetuspoe stinje, nyisko yarṣkyar nyampo dzomgos, ciazerna khyozhaa ransems cuncessi nanja shedmed yod pasan, shetanni sdigpe nanja gyel cugsidces innog. <sup>6</sup> De tebo cocesla ka tarṣte zerramed, innan gonspa tarjad. <sup>7</sup> Da tsogsla tshanma nama macoa dugste yodcespo, ṣe dodpa coad. Innan Konchoggi chogsne mi reera migsalli khyudrig salte yodte innog, mi cigga khyuddi rig cig yar mizhigga yar khyuddi rigzhig.

<sup>8</sup> Ta ṣe nama macokhan tar anemaranmo ya nama tonkhanni magpa gunla zerrad. Nama macoa dugna, gyalla innog kazuggi ṣaa dugste yod. <sup>9</sup> Innan kaltes khongunni ranṣaranṣa cun mathubna, nama cogoshes innog. Lusdel cocessi dodpe nanja me barri sarṣ nama cona gyal.

<sup>10</sup> Ta nama cokhangunla ṣe ka tarjad, kabo ṣaranṣi manpa Tsoo Yeshui chogsne in. Name ranṣi magpa pharṣ magos. <sup>11</sup> Innan kaltes khoe khoranji magpa pharṣa, te bumobo cigpo duggos ya khoranji magpa nyampo yarṣkyar dzomgos. Tenna tsogsla magpe khoranji nama cad magos.

<sup>12</sup> Ta zhan ṣa Tsooe chogsne kharṣanṣa kazhig mednarṣ, ṣe ibo khyozhaa luste yodkhangunla zerrad, "Kaltes Mashikapa butshazhigga tadpa medkhanni namazhig yodna yar te bumobo kho nyampo dugcesla thaddadna, te butshe kho cad magos. <sup>13</sup> Yar kaltes Mashikapa bumozhigga tadpa medkhanni magpazhig yodna, yar kho te bumo nyampo dugcesla thaddadna, te bumoboe kho pharṣ magos. <sup>14</sup> Te Mashikape name, khoranji tadpa medkhanni magpabo stsanṣa coanog. Yar te Mashikape magpe, khoranji tadpa medkhanni namabo stsanṣa coanog. Kaltes tezug manpinna Konchoggi skundunla khonṣi tṣugugun dampazhig medṣo. Innan khongun Konchoggi skundunla dampṣ rig innog. <sup>15</sup> Kaltes tadpa medkhanni magpa ya nama gun ranṣi zhidmad nyampo duggala thadda medna, tene chacugshig. Tetsogssi nasluggi nanja Mashikapa magpa ya nama gunni nyampo dugcessi phia, naa khurkhangunla stente duggos medpa innog. Konchoggi khyozhagun zhidee nanja dugcessi phia, bodda dzadte innog. <sup>16</sup> Namagun, khyozhe zhaste

khyozhe magpagun tadpe nan̄ja yon̄sidcespo gyuscha meragga? Yan̄ magpagun khyozhe zhaste, khyozhe namagun tadpe nan̄ja yon̄sidcespo gyuscha meragga?

<sup>17</sup> Tsooe khyozhagun kazug naslug shiggi nan̄ja borra dzadte yodnan̄, khyozhaa rere tenan̄ja duggoshes innog. Yan̄ kazug nasluggi nan̄ja khyozhaa, Konchoggi gomaran̄ tadpe nan̄ja bodda dzad zane yodpin, tenna naslug tsogssi nan̄ja duggos. Ibo chostshogs tshan̄me phia ñe thimspo in. <sup>18</sup> Sperna Yahudapazhiggi tadpacan gyurri san̄ s̄junla, khoran̄ja sunnad coste yodna, tebo gyurcessi stson̄dus macoshig. Yan̄ sunnad macokhanni mizhig tadpacan gyurna, khoe khoran̄ja sunnad cogos medpa innog. <sup>19</sup> Ciazerna Konchoggi skundunla sunnad cokhan ya macokhanboe nan̄ja can̄ khyad medte innog. Khagcanbo ni Konchoggi kagyagan̄ s̄un̄cespo innog.

<sup>20</sup> Ona Konchoggi khyozhagunla bodda dzad zane yodkhanni naslugpoe nan̄ja khyozhaa rere duggoshes innog. <sup>21</sup> Konchoggi bodda dzad zane, khyozha tsheyog inpinna? Kaltes inna tsherkha macoshig, innan̄ kaltes khyozhagunla tsheyogne tharcessi skabs thobna, te skabspo lenshig. <sup>22</sup> Yan̄ kaltes khyozhaa Tsooe bodda dzad zane tsheyog inna, ta khyozhagun Tsooe nan̄ja sdigpe tsheyogne tharte innog. Yan̄ kaltes khyozhagun Tsooe bodda dzad zane tsheyog manpinna ta khyozhagun mashike tsheyog gyurte innog. <sup>23</sup> Konchoggi rin chenmozhig shalla dzadte nyoa dzadpa, khyozhaa zusme lobbongunni tsheyog gyur macugshig. <sup>24</sup> Spungun khyozhaa rere tenna tsogs lusgos nam khyozhagun Konchoggi bodda dzad zane yodpin.

<sup>25</sup> Ta khyozhe nama macokhangunni skorla ñiwa ñikhanboa, tegunla tan̄cesla Tsooe ñaa kazhig salla madzads, innan̄ Tsooe khoran̄ji snyin̄rjee nan̄ja idshes conyancesi ñaa shesrabs salla dzads, yan̄ ñe tebo khyozhagun nyampo goad. <sup>26</sup> Dagsa ñadan̄gun tus skyomoe nan̄ja yodcespoe, ñe sammarag khyozhagun kazug naslugshiggi nan̄ja yodnan̄, tenne nan̄ja duggoshes innog. <sup>27</sup> Kaltes khyozhagunla nama yodna, nama cadces yan̄ kaltes nama medna, nama cocessi stson̄dus macoshig. <sup>28</sup> Innan̄ kaltes khyozhagunni nama cona, tebo sdigpazhig manog. Yan̄ kaltes bumo nachun̄zhiggi nama cona, teboan̄ sdigpazhig manog. Ciinnan̄ i skyomoi tusla<sup>1</sup>, nama cokhangunla man̄ja nags thon̄jin, yan̄ ñe khyozhagun i nagsgunne tharcugcessi stson̄dus coad.

<sup>29</sup> De spungun ñe zercessi tonbo ni, Mashika logste phebcessi tuspo nyun̄un̄zhig mane luste med pasan̄, dagsane pharla nama cokhangunni Konchoggi zhabstoggi nan̄ja nama coe san̄ s̄junla tan̄khanni tenna tuspo dagsan̄ tan̄gos. <sup>30–31</sup> Skyomo yodkhan ya skyidpo yodkhan ya nyobtshon̄ tan̄jin dugkhan ya nor man̄po yodkhan gunni tegunni skorla tusgyun samin madugshig, ciazerna i jigstenni nan̄ja yodkhan tshan̄ma gyogspa medkhan chaces innog.

<sup>32</sup> Khyozhagun te mitshee tsherkhagunne thargoshespo ñe dodpa in. Sperna, nama macokhanni butshazhiggi khoran̄ji tuspo Tsooa zhabstog zhucessi nan̄ja phudnyannanog yan̄ khon̄ thugnyesshugcessi skorla samba tan̄janog. <sup>33</sup> Innan̄ nama cokhanni butshe khoran̄ji jigstenni khag tan̄ ran̄ji nama thadcugcessi

---

<sup>1</sup>7:28 tebo Mashikapagunla nags stanni tuspo innog

skorla sammanog, <sup>34</sup>yar khoe semspo khagnyissi nanja gogossanog. Tenna tsogsla magpa shikhan ya nama mane macoa dugkhanni bumo gunni, zugspo tarj semsnyid nyisko nyampo tus ganjo Tsooa zhabstog zhunyannanog. Innarj nama cokhanni bumozhiggi khoranji jigstenni khaggun tarj khoranji magpa thadcugcessi skorla sammanog. <sup>35</sup>De ibo gagskiyl tarjcessi phia manpa, khyozhagunni phanthogssi phia, zerrad. De dodpabo ni, cisathogne khyozhagunni semspo yan mayanna Tsooa zhabstog gyalla coste zhucugcespo in.

<sup>36</sup>Innarj kaltes butshazhiggi khoranji nama cocescanbo nyampo miospa coste innog samces, matshad khoa lusdelli dodpa şante yodna, te butshe khoranji dodpa nanzhin te bumo nyampo nama cogos. Khoe sdigpa coste manog. <sup>37</sup>Innarj zhanme warj tarjste manpa kaltes khoe khoranji dodpabo cunnyante te bumo nyampo nama micoces tantan thagcadna, gyalla innog. <sup>38</sup>Tene nama cokhanboe gyalla coste innog, yarj nama macokhanboe tesarj gyalla coste innog.

<sup>39</sup>Magpa sontea yodtus nama khoranji magpa nyampo duggos. Kaltes khoe magpa tonjna, te bumoboe khoranji thadkhanni butsha nyampo nama conarj, digste innog, innarj te butshabo Tsooeka tadpa cokhanzhig yongos. <sup>40</sup>De sambe nanja, te bumoboa cigpo dugna manja cinlabs thobin. Yarj ne sammarag, nejarj Konchoggi thugnyiddi gyudte khadaa tarjste in.

### Skunđa chodpa phulkhanni kharji.

#### 8:1 ne 13

**8** <sup>1</sup>Ta khyozhe skunđagunla phulkhanni kharji skorla űiwa űikhanboa, ona "Đadarj tşanĵmala teboe skorla yontan yodte innog." Yontanni űadarĵunla phoso tşor cugganog, innarj chostshogs şhedcan chacugkhan ni cespabo innog. <sup>2</sup>"Đa citşanĵma şhessad" zerkhangunla űospoa taruĵ mamarĵo şhesgoshes yodte innog. <sup>3</sup>Innarj Konchogga cespaa cokhangun nyampo khorĵi đel borra dzadte khyenna dzaddanog.

<sup>4</sup>Ta skunđa chodpa phulkhanni kharji zacessi skorla zerna, skunđagun carj mankhan yarj Konchog cigcig zhugste yodkhanbo űadarj tşanĵmala gyusinnog.

<sup>5</sup>Namkhaa ya jigstenni nanja, marĵozhigga Konchog zerranog, (Tantanla mi marĵoe Konchog tarj Tsoo marĵozhigga collanog). <sup>6</sup>Innarj citşanĵma zharĵa dzadkhanni yab Konchog cigtsa innog, yarj űadarĵunni khorĵi phia mitshe phudkhanbo űadarĵunla gyusinnog. Yarj Yesĵu Mashika Tsoo cig, khorj gyudte Konchoggi citşanĵma coa dzadkhan tarj űadarĵunla mitshe salla dzadkhanboarj gyusinnog.

<sup>7</sup>Ciinnarj tadpacan khacigga te tşanĵma gyus medpa innog. Khyozhagunni űone khaciggi taruĵnarj skunđagun sontea innog samdug. Tennaboephia khorĵunni semssi nanja skunđagunla phulkhanni zan zana, sdigpa coste in sammanog.

<sup>8</sup>Zanni űadarĵun Konchog nyampo nyemo gyur cugga manog. Đadarĵunni zanarj ya mazannarj, Konchoggi skundunla carj storces ya thobces medkyag.

<sup>9</sup>Innarj khyozhagunla teboe nanja rarĵwarj yodcespoe, khyozhagunni tadpe nanja uthugscanni spunzhig sdigpe nanja gyel micugcesla şarj coshig. <sup>10</sup>Sperna

kaltes khyoranj yontanboe te skunḍe chodkhanjji narjne zan zaa thoṅste, tadpa uthugscanni skunḍa phulkhanni te zan zacesla hampa skyete khoranjji samkhanboe gyabgal coste manogga? <sup>11</sup> Tene khyozhagunni lagga yodkhanni yontanboe, te tadpa uthugscan spunni tadpabo medkhan coanog, kaboe phia Mashika toṅssa dzads. <sup>12</sup> Tezug cona, khyozhe sdigpa coste innog samkhanni spunboa tebo cocesla spospa taṅste, khyozhe mashike gyabgalla sdigpa coste innog. <sup>13</sup> Teboephia kaltes sha zacespoe, ṅe ṅaranjji spunzhigga sdigpa cocuggadna, tene ṅe shishi tshogpala sha mane miza, ciazerna ṅe ṅaranjji spunzhigga ghaggyabcugnyin merag.

### Mashike skutshabsgunni thobtaṅ.

#### 9:1 ne 27

**9** <sup>1</sup> Ci ṅarj zhangun tsogsla raṅwanj medkyagga? Ci ṅa mashike skutshabs manogga? Ci ṅe ṅaranjji migne Yesu ṅadaṅgunni Tsoo majaltogga? Ci ṅe mashike phia lasgunni zhaste khyozhagun Tsoo gyurte manna? <sup>2</sup> Zhanmagunni ṅa mashike skutshabs manog samnaṅ, tantanla khyozhagunni phia ṅa in. Khyozhe mitshe phudtshulboe ṅa Tsoo skutshabs inkhanbo stannanog.

<sup>3</sup> Ibo ṅe waṅche skorla ṭiwa ṭikhagunni phia lanbo in. <sup>4</sup> Ci ṅazhagunla khyozhe zaces taṅ thuṅces gun goste zaces taṅ thuṅcessi thobtaṅ medpa innogga?

<sup>5</sup> Zhanyaṅ skutshabs, Tsoo nogun taṅ Piṭarri cokhan tsogsla, ṅazhagunla ṅazharanjji tadpacanni namagun nyampo thidte khyercessi thobtaṅ medpa innogga? <sup>6</sup> Ya raṅjji ghosdomgun rigcessi phia las cogoskhangun Barnabas taṅ ṅaraṅ cigpo innogga?

<sup>7</sup> Ci magmizhigga khoranjji budgogun shalgossanogga? Ci ṅguntshas tabkhanzhigga khonraṅjji badkhanni khazas zaccessi thobtaṅ medpa innogga? Ci lugkhyua, stastog cokhanni miboa tegunni oma thuṅchogga manogga? <sup>8</sup> Ci ṅe mii samtshulli naṅṅa shaddugga? Konchoggi thimssiaṅ inna tsogs molte mirugga?

<sup>9</sup> Ltossaṅ luṅstonpa Mozessi thimssi naṅṅa "Khyozhagunni khuyus skor zane laṅtoe khaa Idamste maborshig<sup>m</sup>" molte yodte innog. Konchoggi tebo mol zane, ci khonjji laṅto cigpoe skorla thugssam salla dzadte innogga? <sup>10</sup> Ci ṅospoa, khonjji ṅadaṅgunni phanthogssi phia molte manogga? Ona ṅadaṅgunni phanthogssi phia, dia dzadte innog, ciazerna stonthoggi kane goste thobcessi rewe naṅṅa, ṅakhan taṅ khuyus skorkhan nyiskoe lasgun coanog.

<sup>11</sup> Ta ṅazhagunni semsnyiddi saon, khyozhagunni naṅṅa tabs pasanaṅ, ci khyozhe stonthogpo ṅazhaa nyampo gocesla kagspo charagga? <sup>12</sup> Kaltes khyozhagunni zhanyaṅ chosshadkhangunla rogs coadna, ci khyozhe ṅazhagunla te migunni saṅ maṅṅa rogs cogoshes manogga? Innaṅ ṅazhagunni i thobtaṅbo mane makolpin, ciazerna mashike gamoe nastshulli naṅṅa gagskyil khyonjji saṅ ṅazhaa nagsbardo khurcesla thadpo in.

<sup>13</sup> Ci chodkhanjji naṅṅa las cokhangunla zan, chodkhanjji naṅṅa chodpa phulkhangunni kane thobcespo, khyozhagunla hago thubba meragga? Yaṅ

<sup>m</sup>9:9 thimssi specha nyispe 25:4

chodthika las cokhangunla, şogchod phulkhangunni kane goste thobba mirugga? <sup>14</sup>Inna tsogsla Tsooe ka salla dzadte innog, gamoe nastshul shadkhangunla tekane phanthogs thobkhangunni rogs cogos. <sup>15</sup>Teneañ ƚe i thobtañ tshañme nañne cigar makolpin, yañ ƚe phia khyozhagunni itsogssi lasgun cocessi rewa coste diamed. De khyozhagunla rin medpa chosshadcespoeka phoso conyancesi thobtañbo medkhan chacuggi sañ ƚa shina gyal. <sup>16</sup>Ciinnañ gamoe nastshul shadcespoeka ƚe phoso co minyan, ciazerna dampe thugnyiddi ƚaa i laspo cocugdug. Kaltes ƚe gamoe nastshulbo mashadna, ƚaa tsamshiggi jigspa manog.

<sup>17</sup>Kaltes ƚe ƚarañ thadte i laspo cona, ƚaa solras thobin. Innañ ƚe lagne med, Konchoggi ƚa i khagpo kalla dzadte innog. <sup>18</sup>Tene ƚa kazug solrasshig thobin? Tebo ni rin medpa gamoe nastshul shadcesi skabspo innog. Tennaboephia gamoe nastshul shad zane, ƚe ƚarañji thobtañji skorla samba tañƚamed.

<sup>19</sup>Zhan ƚa sponbo medkhanni rañwancañzhig innañ, mi mañpo mashike nañña khyoñcesla ƚe ƚarañ tshañme tsheyog gyurcugspin. <sup>20</sup>Da Yahudapagun nyampo yod zane, ƚe Yahudapagun mashike nañña khyoñcessi phia, Yahudapagun tsogsla mitshe phuddad. Da Yahudape thimssi nañña ðulkhangun nyampo yod zane, ƚa te thimssi nañzhin duggad. Zhan ƚa te thimssi yogga mednañ, te thimssi yogga dugkhangun mashike nañña khyoñcessi phia ƚe tebo coad. <sup>21</sup>Da Yahudape thimsgunnika ma ðulkhangun nyampo yod zane, khorñgun mashike nañña khyoñcessi phia ƚa ƚa te thimssi yogga dugga med. Innañ ƚe Konchoggi thimsgunla nañmed coamed, ƚe mashike thimsgunla khanyannad.

<sup>22</sup>Da tadpe nañña uthugs yodkhangun nyampo yod zane, uthugsgun mashike nañña khyoñcessi phia, ƚa khorñgunni uthugssi nañña ðessad. Migun skyobcessi phia, ƚaa mi kazugshig yodnañ tenna tsogs gyurrad. <sup>23</sup>De te tshañma gamoe nastshul phelcuges tañ teboe cinlabssi nañña ðesshessi phia coad.

<sup>24</sup>Bangyugssi nañña tshañma bañtaññanog, innañ cigga solras thobcespo ci khyozhagunla hago thubba meragga? Tene gyalkhaa thobcessi migzhi nyampo bañtoñshig. <sup>25</sup>Medkhan chacessi solras thobcesla bangyugs tañkhan tshañme khorangun lobjoñji scodlammi nañña stanpo borranog, innañ ƚazhagunni ibo thamedpe solras thobcessi phia coad. <sup>26</sup>Teboephia ƚe bañtañ zane, migzhi nyampo kompa ree gyabbad. Da tontag medpa luñspoe nañña multhug tañkhanni mi tsogs man. <sup>27</sup>De ƚarañji zugspo ƚarañji wañji yogga lusshessi phia stsalyañs stekhangun tsogsla lobjoñ taññad. Te manna ƚe zhanmagunla Konchoggi gamoe nastshulbo shadte stiñne, ƚaa thamedpe solras thobcessi ospa midug mołsidcesla jigssarag.

### Israelpa cokhanni northulgun micoces.

#### 10:1 ne 11:1

**10** <sup>1</sup>Spungun tus mañpoe sñunla ƚazhe phamespogun ristonji nañña khorin dugkhanni skorgun khyozhe rjed mirjedcespo ƚe dodpa in. Khor tshañmaa sinni lamstante tshoe skyilne saskammika ðulte inpin. <sup>2</sup>Şinni yogga yañ gyatshoe nañne ðulkhan, khorñgunla Mozessi gyabne ðulcesla thus salla dzadte inpin. <sup>3</sup>Khor

tshanjme Konchoggi dzadpa gyudte salla dzadkhanni tagi manna zerkhanbo zos. <sup>4</sup> Khonj tshanjme dajgi kane bij cugga dzadkhan thugnyiddi chubo thuj. Khonj tshanjme khongun nyampo skyodkhanni thugnyiddi dagboe kane thuj kabo ni Mashika inpin. <sup>5</sup> Teneaj khonj manchea nyampo Konchog thugnyessa madzad, yar khongunni zugspo ristonji nanja thestor sonje inpin.

<sup>6</sup> Dadangunni nanja khongunni coskhan tsogssi dodpa njanpagun miyoncessi phia, nadangunla sanpudda tegun cuj cugga dzadte innog. <sup>7</sup> Teboephia khongunni coskhan tsogsla skundagunla chos macoshig, kazuggi dampe sunrabssi nanja molte innog "Khongunni coskhanni skunda, serri Baalanboa stsiwa cocessi phia, migun seka dugste zaces tar char thujces gozugs, yar khongun lanste scodpa nanpe stsangun tarin skyidpo cos."<sup>n</sup> <sup>8</sup> Dadangun lusdel nanpe nanja des magos, kazug khonj khaciggi cos, kaboe khorangunni topa 23,000 tenna zhagga shicugs.

<sup>9</sup> Dadangunni Mashikaa tshodlta magos, kazuggi khonj khaciggi cos yar dasbubo tugrulgunni thamste khongun shite inpin. <sup>10</sup> Yar khonj khaciggi coskhan tsogsla, Konchoggi Idamma dzadkhanni uskyongunni gyabgalla bagaboge shad magos, ciazerna sog lenkhanni phonye khongun medkhan coste inpin. <sup>11</sup> Dadangunni phia spezhiggi tshulla te tshanjma khongunla curste inpin. Thame tussi nanja dugkhanni nadangunla sanpuddessi phia, tegun Griiste innog.

<sup>12</sup> Kalties khyozha tadpe nanja stanpo yod sammadna, gyel migyelcessi phia sharj coshig. <sup>13</sup> Idu coshig khyozhagunni sdigpa cocessi dodpabo zhan migunla yodkhanboe sarj sosozhig manog. Yar Konchog ni idshescan zhugste innog, khonji khyozhagunla tshodlta khurubo khyozhagunni khyuddi sarj manjzhang khur cugga midzad. Khyozhagun tshodlta nanja cha zane, khonji zodpa nyampo tebo khurnyancessi lam khyozhaa stanna dzadin.

<sup>14</sup> Teboephia ne spungun, skundagunla colcesne shorte sonshig. <sup>15</sup> Khyozhagun sambacanni migun innog. De zerkhangun tanpo innogga ya manog khyozharanji thagcodshig.

<sup>16</sup> Tanpo, dampe solrassi tusla donskyoggi nanja yodkhanni rgunchanboa cinlabssi phia zhuste thunjacig, mashike skuthaggi nanja deste manogga? Yar tagibo caggacig, nadangun mashike skuzugssi nanja deste manogga?

<sup>17</sup> Dadangun manpozhang yodnar, nadan tshanjme tagi ciggi kane zanog, kaboe nadangun zugspo cig inkhanbo stannanog.

<sup>18</sup> Nyispa, Israelpagunni skorla samba tonshig. Khongun chodthika sogchodla phulte yodkhangun zoste ci khongun cigdil mirugga? <sup>19</sup> Ci ne skundagunla sogchodla phulkhanni zangunni nanja rin yod, ya te skundagun nospoe Konchog innog zerte innogga? <sup>20</sup> Man mane man.

De zerrad i sogchodgun rdudgunla tanste innog, Konchogga manog. Yar ne khyozhagun rdudgunni toa des midesshessi dodpa borrad. <sup>21</sup> Khyozhe Tsoo Yeshui donskyog tar rdudgunni kore nyiskoe nanje kazuggi thunjin? Khyozhagunni Tsoo Yeshui dontar tar rdudgunni kharji nyisko kazuggi zen? <sup>22</sup> Ci tezug cocespone

<sup>n</sup>10:7 binste chacessi 32:6

khyozhagunni Tsooa thugssō zhan̄sshugste manogga? Ci ɲadan̄gun khor̄ŋi san̄ shed chea innogga?

<sup>23</sup> Khyozhe ɬone khaciggi zers̄idces innog, "De cizhig conaɲ ɲigganog", innaɲ citshaɲma khyozhe phia zaɲpozhiɲ manog. Yaɲ khaciggi zers̄idces innog, "De cizhig conaɲ ɲigganog", innaɲ citshaɲma phanthogscanzhiɲ manog. <sup>24</sup> Khyozharaɲ cigpoe phanthogssi phia masamma zhanyaɲ spungunni phanthogssi phia samba toɲshig.

<sup>25</sup> Khyozhagunni ɬomssi naɲɲa sha kazugshig thobbadnaɲ zoshig, tegun skunɲagunla chodpa phulte inna man samste snyiɲɲi naɲɲa thetshoms coste ɬiwa maɬishig. <sup>26</sup> Ciazerna dampe sun̄rabssi naɲɲa molte innog, "Jigsten taɲ tenaɲɲa yodkhan tshaɲma Tsooe in."<sup>o</sup>

<sup>27</sup> Tadpa medkhanni mizhiggi khyozhagunla gonzanla yoɲ zerna, kaltes khyozhagun chanyin yodna, ɲonshogpo lenshig. Khyozhagunla cizhig taɲnaɲ zoshig. Tegun skunɲa chodpa phulte inna man zerte ɬiwa maɬishig. <sup>28</sup> Innaɲ kaltes suzhiggi, "I shabo skunɲa phulte in" zerte shadna, tene shadkhan taɲ khoe semssi naɲɲa thetshoms miskyecessi phia tebo mazashig. <sup>29</sup> De khyozhagunni semssi naɲɲa samkhan manpa, te shadkhanni semssi naɲɲa samkhanboe phia zerte in. Khyozhagunni ɬone khaciggi zers̄idces innog, "Zhanmazhiggi samcespoe zhaste ciphia ɲe ɲaraɲɲi raɲwaɲɲi naɲɲa gagskiyl yoɲcugin. <sup>30</sup> Yaɲ kaltes ɲe Konchogga zacessi phia thugrjeche zhuna, tene cia ɲe thugrjeche phulkhanni zanboika suzhiggi ɲa skyonrjod coin?"

<sup>31</sup> Tene teboe lanla, khyozhagun zanaɲ, ya thuɲnaɲ, ya cizhig conaɲ, te tshaɲma Tsooe zirrijiddi phia coshig. <sup>32</sup> Khyozhagunni cirig coadnaɲ, teboe Yahudapa ya Yahudapa mankhangun tadpe naɲɲa yoɲcessi naɲɲa gagskiyl magyurshig, ya Konchoggi chostshogssi naɲɲa yodkhangunla sdigpa co macugshig. <sup>33</sup> Deaɲ ɲaraɲɲi cizhig conaɲ, tshaɲmala thadcugcessi stsonɲus coad. De ɲaraɲɲi phanthogssi phia manpa, zhanma maɲpoe phanthogssi phia coad. Khongun tadpe naɲɲa yoɲcessi rewa borte ɲe tegun coad.

**11** <sup>1</sup> Yaɲ ɲa mashike speeka ɲulghan tsogsla, khyozhagun ɲe speeka ɲulgoshes innog.

### **Chos cocessi skorla labzha.**

#### **11:2 ne 16**

<sup>2</sup> Khyozhagunni tusgyun ɲa idtu borte ɲe taɲskhanni labzhagunnika ɲulcespoe, ɲe khyozhaa stodpa taɲɲad. <sup>3</sup> Innaɲ khyozhagunla igun hago cugnyinrag, tadpacanni butsha tshaɲme gobo ni, Mashika zhugste innog. Tadpacanni bumo tshaɲme gobo ni, khoran̄gunni magpa innog, yaɲ mashike gobo ni, Konchog zhugste innog. <sup>4</sup> Kaltes butshazhiggi moslam phul zane, ya luɲstan shad zane, khoran̄ɲi gobo kabste yodna, khoe khoran̄ɲi go, yaɲna Mashika ɬelba khyon̄ste innog. <sup>5</sup> Innaɲ kaltes bumozhiggi khoran̄ɲi gobo kab makabba moslam phulna, ya luɲstan shadna, tene khoe khoran̄ɲi go, yaɲna khoran̄ɲi magpa, ɬelba khyon̄ste

<sup>o</sup>10:26 sun̄gurri speche 24:1



innog. Tezug cona, te bumoboe khoranji sha dagste golag coskhan tsogs innog.

<sup>6</sup> Ona kaltes bumobo go kabcessi phia thadda medna, tene khoe khoranji sha tshanma daggoshes innog. Innan bumozhigga golag coces ya sha badchun cadcespo, thelbazhig in pasan, bumoe go kabgoshes innog.

<sup>7</sup> Butsha Konchoggi yibs yan khoranji spalli nanja coa dzad pasan, Konchogga col zane, khoe khoranji go kab magos. Innan namagun khoranji magpe spalbo innog. <sup>8</sup> Adam butsha tanpo, bumone cunste manog, innan Hawa bumo tanpo butshane cunste innog. <sup>9</sup> Yan butsha bumoe phia coa madzadda, bumo butshe phia coa dzadte inpin. <sup>10</sup> Tenna gyuntshan tan Konchoggi phonyagunni zigsin yodcespoe, bumoe khoran magpe wanji yogga yodkhanbo stancesla, khoranji go kabgoshes innog.

<sup>11</sup> Tsooe nanja tadpacanni butshazhiggi na bumoea raglaste ya tadpacanni bumozhiggi na butsheka raglaste duggoshesmed zer minyan. <sup>12</sup> Ciazerna tanpo, bumo butshe kane cunste innan, dagsa bumoe kane butsha skyeano. Innan citshanma Konchogge yonste innog.

<sup>13</sup> Khyozharanji thagcodshig, ci migunni toa bumoe ranji go makabba Konchogga moslam phulcespo, ospa innogga? <sup>14</sup> Ci butshe bumo tsogsla sha rinmo borna, tebo ranzhin mankhan yan thelbazhig manogga? <sup>15</sup> Yan sha rinmo yodcespo bumoe phia spalzhig innog, ciazerna tebo khoa kabcesla salla dzadte innog. <sup>16</sup> Innan iboe skorla gyabgal conyin yodkhangunni phia ne innabo zerin, nzhaganla innabo mane, zhanyan lugsolzhig med, yan Konchoggi chostshogsgunni nanjan medpa innog.

### **Dampe solras yanja Tsooe dontanji phia thimgun.**

#### **11:17 ne 34**

<sup>17</sup> Ta ne zercescanboe nanja, khyozhaganla stodpa tannyances merag, ciazerna khyozhagan dzomcespoe, phanthogssi san manja nodskyal khyonjug. <sup>18</sup> Tanpo, khyozhagan chostshogssi tshulla dzom zane, khyozhagunni toa pomanpo phudte yodkhanbo tshor. Yan ne sammarag te spera tshorkhan mancheabo denba innog. <sup>19</sup> Tantanla Konchoggi migun nostag chacessi phia khoranji khyozhagunni toa khag sosogun cur cugga dzadte innog.

<sup>20</sup> Tsooe dontanji nanja zacesla khyozhagan dzom zane denba, khyozhagan mashike tonshespo idtu cocesla thadda midug. <sup>21</sup> Ciazerna khyozhaa khaciggi, ranji kharjigun zhanmagunla goste matanja zacesla rinjudug, kaboe zhaste khacig stogria lusdug, yan khacig raras dug. <sup>22</sup> Ci khyozhaganla zaces tan thungessi phia, ranranji khanpa medda? Ya ci Konchoggi chostshogsla naphrad coces tan nyalbacangunla thelba khyonjala, thadda ragga? De khyozhaganla ci zergos, ci ne iboe phia khyozhaganla stodpa tangossa? Ona tantan iboe phia ne khyozhaganla stodpa mitan.

<sup>23</sup> Daa Tsooe chogsne labzha thobkhanbo khyozhaganla tanspin. Tenna tshanla nam yude Tsoo Yeshua nolog cos, Tsooe tagibo lenna dzads, <sup>24</sup> yan Konchogga thugrejeche phulte khoranji tebo cagga dzads, yan mols, "Ibo khyozhagunni phia

tañskhanni ñe zugspo in. Ða idtu cocesla ibo coshig." <sup>25</sup> Tenna tsogsla kharji stinje khonji rgunchañji donskyogpo nams yañ mols, "I korebo Konchog tañ khonji migunni parla zhalchad somazhig innog, kabo ñe thag nyampo coste in, khyozhagunni ibo thuj zane ña idtu coshig." <sup>26</sup> Nam khyozhagunni i tagibo zen yañ i korebone thujin, Mashika yañskyar logste skyodskyod tshogpa, khyozhagunni tonla Tsoo ñonssa dzadkhanbo migunla khyozhe spañpo tañjanog.

<sup>27</sup> Teboephia suzhiggi stsiwa macoa i tagiboe kane zana ya i kore nañne thujna, Tsooe skuzugs tañ skuthag gunni gyabgalla sdigpa coste nonscan gyurte innog. <sup>28</sup> Tennaboephia khyozhagunni tagi ze sañ yañ korebone thujni sañ sñunla, khyozharañja stagcad cogoshes innog. <sup>29</sup> Kaltes khyozhagunni mashike skuzugspoa stsiwa maphulla tagibo zana ya korebone thujna, tene khyozhagunni khyozharañji phia Konchoggi thimscadpo zoste yañ thujste innog. <sup>30</sup> Tennaboephia khyozhaa mañpozhih uthugs tañ zumocan yañ khacig shiteañ innog.

<sup>31</sup> Innaj kaltes ñadangunni ñadañ rañja stagcad cospinna, ñadangun itsogetti thimscaddi nañja yonste meddo. <sup>32</sup> Teneañ ñadañja jigstenpagun nyampo chadpa miphogcessi phia, ñadangunla Tsooe thimscad salla dzad zane, khonji ñadangun skyonja dzadte innog.

<sup>33</sup> Tene ñe spungun, khyozhagun Tsooe dontañji phia dzom zane cig tañ cigga sñuste dugshig. <sup>34</sup> Kaltes khyozhagun stogssadna, tene khyozhagun dzom zane khyozheka thimscad miyoncessi phia rañji kharpa kharji zoste yonshig. Ða lebste stinje, khyozhagunla i skorla zhanyañ labzhagun tañin.

### Semnyiddi khyud.

#### 12:1 ne 11

**12** <sup>1</sup> Ta ñe spungun dampe thugnyiddi ñadangunla salla dzadkhanni khyudgunni skorla, khyozhe hagobo northulcanzhig miyoncessi dodpa coad. <sup>2</sup> Tadpa medkhan in zane, khyozhagun spera tañ manyankhanni skundagunni lam norkhannika thidkhanbo khyozhagunla gyusinnog. <sup>3</sup> Teboephia suzhiggi Konchoggi thugnyiddi nañja Yeshua ñan tab minyan yañ dampe thugnyid cigpo gyudte mastogs, suzhiggi Yeshu tshañme Tsoo zhugste innog zer minyancespo ñe khyozhagunla gyus chacugnyinrag.

<sup>4</sup> Thugnyiddi khyud snatshogs mañpozhih yodte innog, innaj te tshañme cuñsabo thugnyid khorañ innog. <sup>5</sup> Zhabstog snatshogsshig yodte innog, innaj ñadangunni Tsoo ciggi zhabstog zhuanog. <sup>6</sup> Konchoggi phia ñadañji las snatshogssi coanog, innaj ñadañji cokhanni las tshañme nañja tenna Konchogpoe chaglas dzaddanog.

<sup>7</sup> Cig tañ cigga rogs conyancesla, thugnyiddi khyud ñadañ rerea Konchoggi salla dzaddanog. <sup>8</sup> Tenna thugnyidbo gyudte, mizhigga khadaa shesrabscan tañ nyancesi khyud, yañzhigga tenna thugnyidbo gyudte, migsalli yontanni lonbo salla dzaddanog. <sup>9</sup> Tenna thugnyidboe cigga, idshes chenmo tañ zhanzhigga, phancugcessi khyudgun sallanog. <sup>10</sup> Khonji mizhigga halasshessi ltasgun stancesi khyud, zhanzhigga lunstan tañcessi khyud, zhanzhigga lonbo Konchoggi

thugnyiddi chogsne innogga manog stanyancessi khyudpo, zhanzhigga masheshkhanni skaddi nanja spera tanjessi khyud tan zhanzhigga te skadgun gyurcessi khyudgun salla dzaddanog. <sup>11</sup> Innan te khyudgun tenna thugnyid cigcigpoe salla dzaddanog. Mi rerea kazug khyudrig thobin, tebo khonj cigpoe thagcadda dzaddanog.

### **Zugspo cigga khag manpo.**

#### **12:12 ne 31**

<sup>12</sup> Zhan mii zugspoa yanlag manpozhi yodnanj, khag tshanme zugspo chatshanzhig dūbbanog. Tenna tsogsla chostshogsgun mashike skuzugs innog.

<sup>13</sup> Dadan khacig Yahudapa yan khacig Yahudapa manog. Khacig tsheyog yan khacig ranwanjan innog. Innan dampe thugnyiddi nanja ndan rerea thussalla dzadcespoe ndanjan zugspo cig innog. Ta ndan reree tenna thugnyid cigpoe kane thunjin innog.

<sup>14</sup> Ona, zugspoboa yanlag cig manpa manpo, soso rig yodte innog. <sup>15</sup> Kaltes kanpe zerna, "Da zugspoe yanlag man ciazerna na lagpa man." Ci teboe kanpa zugspoe khagshig lussa manogga? <sup>16</sup> Yan kaltes namcoggi zerna, "Da zugspoe yanlag man ciazerna na mig man", ci teboe namcogpo zugspoe khagshig lussa manogga? <sup>17</sup> Kaltes zugspo ganma mig inpinna, kazuggi khyozhagunni tshorin. Ya kaltes khyozhagunni zugspo ganma namcog inpinna, tene kazuggi khyozhagunni tima tshorin.

<sup>18</sup> Innan ndanjan zugspoboa tantanla yanlag manpozhi yodte innog. Yan Konchoggi te yanlaggun khonji thuggonj nanzhinla, ranranji naseka borra dzadte innog. <sup>19</sup> Kaltes zugspoboa yanlag cig mane medpinna, tene kazug yamtshanzhi meddo. <sup>20</sup> Ona, yanlag manpozhi yodte innog, innan zugspo cig. <sup>21</sup> Miggi lagpaa mane mizer, "Da khyoranj goshes merag." Goi kanpaa mane mizer, "Da khyoranji ghosdom med."

<sup>22</sup> Dospobo ni uthugs thonkhan tan khagcan mankhanni zugspoe yanlaggun tshanmesan ghosdomcanbo innog. <sup>23</sup> Yan stsiwa nyununcan tan stan migoshescanni zugspoe khaggunla ndanjan nanstag chenmo nyampo Koslag skonte gyalla nanstag coste skyobste borranog. <sup>24</sup> Stannan digcescanni zhan yanlaggunla, tetsogssi migsalli nanstag gossa manog. Tene Konchoggi stsiwa nyununcanni yanlaggunla manja stsiwa tan stastog tanjugste zugspo ganma nyampo danpo borra dzadte innog. <sup>25</sup> Tebo cig tan cigga stastog coces matshad, thusmi tshanme nanja thundel yoncesla coa dzadte innog. <sup>26</sup> Kaltes yanlag cigga zumo yonja, zhan yanlag tshanman tebo nyampo rdugnjal thonjanog, yan kaltes yanlag cigga stsiwa thobna, tebo nyampo zhan yanlag tshanmean thadpo coanog.

<sup>27</sup> Ta khyozhaa tshanma dzomste, mashike skuzugspo innog, yan khyozhaa rere teboe yanlaggun innog. <sup>28</sup> Konchoggi chostshogssi phia, Idamma dzadkhanni yanlag khacig igun innog.

Tanpobo, mashike skutshabsgun,  
Nyispabo, lunstonpagun,

Sumpabo, lobbongun,  
 Tene halassi ltas stankhangun,  
 Tene phancug nyancesi khyud yodkhangun,  
 Tene cig tañ cigga rogs cokhangun,  
 Tene chostshogs goskyonçessi khyud yodkhangun,  
 Tene masheshkanni skadgunni nañña spera tañ nyancesi khyud yodkhangun.

<sup>29</sup> Ci ñadañ tshañma Yeshu mashike skutshabsgun inna? Ci ñadañ tshañma luñstonpagun inna? Ci ñadañ tshañma lobbongun inna? Ci ñadañ tshañmala halasshessi ltas cocessi wañ yodda? <sup>30</sup> Ci ñadañ tshañmala phancug nyancesi khyud yodda? Ci ñadañ tshañmala masheshkanni skadgunni nañña spera tañ nyancesi khyud yodda? Ci ñadañ tshañmala masheshkanni skaddi skadgyur cothubcessi khyud yodda? <sup>31</sup> Chostshogsla tshañmesañ phanthogs mañña tañnyancesi khyudgun khyozhaa thobcessi dodpa borgoshes innog.

Innañ ta ñe khyozhagunla mitshe phudtshul tshañme nañne gyalshog inkhanbo stanin.

### **Camspa ni tshañmesañ tagshog.**

#### **13:1 ne 13**

**13** <sup>1</sup> Kaltes ñaa jigstenpa tañ phonya gunni skad tshañme nañña spera tañ nyanteañ, ñe nañña zhanmaa camspa medna, tene ña skadñancanni denjañ ya tshimtshim tsogs innog. <sup>2</sup> Kaltes ña luñstan shadçessi khyud, yañ Konchoggi sañwe thabs tshañma gyus yañ citshañme skorla yontan, yañ ñe lagga ri skulnyancesi tadpa yodna, innañ ñe nañña zhanmaa camspa medna, ña cañ manog. <sup>3</sup> Kaltes ña yodkhan tshañma nyalbacangunla matshad ñarañji zugspoboañ şogchodla tañña, ñe teboeka phoso coşidces innog, innañ kaltes ñe nañña zhanme phia camspa medna, ña cañ phanthogs mithob.

<sup>4</sup> Camspa ni zodpa tañ zañpo innog. Camspa ni tshigces ya rañstod ya phoso <sup>5</sup> ya stsiwa macoa spera tañces gun manog. Camspa ni zhanmaa wañ tañste rañ thadkhan co micugces, şo gyogspa miyonçes, zhanme nodskyalkhanboe tho coste miborces gun innog. <sup>6</sup> Camspa ni miospa chakhangunnika skyidpo macoa, tañpoa gyalkhaa thobcessika skyidpo cocespo innog. <sup>7</sup> Camspa cokhanni mane rewa phañña manog. Khoe tusgyun Konchoggi rogs coa dzadçessi rewa coanog, yañ naslug tshañme nañña snyinrus borranog.

<sup>8</sup> Masheshkanni skaddi nañña spera tañces, luñstan shadces tañ migsalli yontan yodkhan khyudgun, zhagshig phanmithogs gyurces innog, innañ camspa tusgyun lussanog. <sup>9</sup> Ta ñadañgunni yontanbo ni tshañrig medpa innog, yañ yonçescanni tusgunni skorla luñstan shadkhanboañ gañpo manpa khagcig innog. <sup>10</sup> Innañ Konchoggi thabldiñs tshañma dıbbacig, te khyud tshañma phanmithogsshig gyurin.

<sup>11</sup> Da ñugu in zane spera tañces, samba tañ samtshul gun ñe ñugui tshulla cospin. Innañ ldante stiñne ñe ñugui cotshulgun phañspin. <sup>12</sup> Lagmo medkhanni meloñzhiggi nañña zimzim thoñña tsogsla, dagsa ñadañgunni salpo coste

mathonjra innog. Innarj tetusla njadanja citshanjma salpo coste thonj thubin, kazug mizhigga dunla thugste spera tanjad. Dagsa nj gyusyodkhan tshanjma tshanjrig medpa innog, innarj tetusla nj citshanjma salpo coste gyuschen, kazuggi dagsa Konchoggi nj salpo coste khyenna dzaddad.

<sup>13</sup>Tadpa, rewa tanj, camspa i sumko tusgyun lusshe innog, yanj igunni nanje tagshogpo ni camspabo innog.

### **Masheskhanni skad tanj lujstan shadces.**

#### **14:1 ne 25**

**14**<sup>1</sup> Cespe lammi nanja dulinzhig, thugnyiddi salla dzadkhanni khyudgunnianj dodpa borgoshe innog, migsal coste lujstan shadcessi khyud.

<sup>2</sup>Masheskhanni skaddi nanja spera tanjcessi khyud yodkhangunni, Konchog cigpoa spera tanjste innog. Yanj thugnyid gyudte sanjwe nanja vaste yodkhangun shad pasanj, migunni khongunni zerkhangun hagoa manog. <sup>3</sup>Innarj lujstan shadkhangunni zhanma tadpacangunla shedcan, spospa tanj semssi nanja zhide gun khyonjanog. <sup>4</sup>Masheskhanni skaddi nanja spera tanjkanboe khoranj cigpoe semspo shedcan coanog, innarj lujstan shadkhanboe chostshogs ganjo shedcan chaa cugganog.

<sup>5</sup>Khyozhaa tshanjme masheskhanni skaddi nanja spera tanjnyances innarj tesanj manja lujstan shadnyancesla nj dodpa coad. Chostshogs ganjo shedcan cocessi phia masheskhanni skaddi nanja spera tanjkanboe sanj lujstan shadkhanbo manja tagpo innog, namtshogpa masheskhanni skadbo suzhiggi skadgyur coste mishad.

<sup>6</sup>Spungun kaltes nj yonjste khyozhaa masheskhanni skaddi nanja spera tanja, khyozhagunla ci phanthogs thobin. Innarj kaltes nj khyozhagunla Konchoggi njaa snjon cugga dzadkhangun ya migsalli yontan ya lujstan ya labzha shadna, tebo khyozhagunni tadpe phia phanthogscanzhig innog. <sup>7</sup>Tenna tsogsla sog medkhanni rolmo, linbu ya harb zerkhangun salpo coste masogna, suzhiggianj teboe yanjspo hago mithub. <sup>8</sup>Yanj kaltes tanjbo salpo coste maphuna tene magmigunla maggi phia bodkhanbo kazuggi hagoain?

<sup>9</sup>Tenna tsogsla, kaltes khyozhagunni migunla hamigocessi tshigsgunni nanja spera tanja tene khyozhagunni zerkhanbo khongunni kazuggi hago thubin? Tebo khyozhagunni lujspe nanja spera tanjkan tsogs innog.

<sup>10</sup>Jigstenni nanja skad snatshogs manjo yodte innog, yanj skad tshanjmala tontag yodte innog. <sup>11</sup>Innarj kaltes nj skadzhig hagoa medna, teboe nanja spera tanjkanboe dunla nj zhanyulli mizhig tsogs, yanj te spera tanjkanboe nj dunla zhanyulli mizhig tsogs innog. <sup>12</sup>Yanj khyozhagunni phianj tebo tsogs innog. Khyozhagunla thugnyiddi salkhanni khyud gosnyin yod pasanj, chostshogs ganjo shedcan cokhanni khyudrig tsolshig.

<sup>13</sup>Teboephia masheskhanni skaddi nanja spera tanjkhangu, te zerkhangun skadgyur cocessi khyuddi phia moslam phulgoshe innog. <sup>14</sup>Kaltes nj

masheskhanni skaddi nanja moslam phulna, moslambo ne semsnyiddi phulte innog, innar ne zerkhanbo na hagoa manog.

<sup>15</sup> Ta tene ne ci co? De semsnyid tar na hagokhanni tshigs nyisko nyampo moslam phulin. De semsnyid nyampo matshad na hagokhanni tshigsgunni nanjan Konchogga stodpe lu tarin. <sup>16</sup> Kaltes khyoranji Konchogga semsnyid cigpone stodpa phulna, tene khyoranji skad hamagokhangun tenanjan kazuggi desin, ciazerna khongunla khyoranji zerkhangun hagoa manog. <sup>17</sup> Tantanla khyoranji thugrjeche phullanog, innar teboe, nyankhangunni semspo shedcan coa manog.

<sup>18</sup> Daa khyozhagunni sar manjan masheskhanni skaddi nanja spera tar nyancesi phia ne Konchogga thugrjeche zhuad. <sup>19</sup> Innar chostshogssi nanja, zhanmagunla labzha tarcessi phia ne masheskhanni skaddi nanja tshigs storcu shaddi sar hagoceansanni tshigs sha shadcesrag.

<sup>20</sup> Spungun tegun hagoceansi nanja khyozhe samba tugu tsogs yor magos. Khyozhaa nanpa cocessi nanja skyonmedkhanni tugu churjun, innar te labzhagun hagoceansi nanja ldankan tsogs gyurshig.

<sup>21</sup> Konchoggi dampe sunrabssi nanja molte dug, "De nanjanji migunla skadrig soso tar zhanyulli migun gyudte spera tarin, tenean khongunni ne khaa minyan<sup>p</sup>."

<sup>22</sup> Masheskhanni skaddi nanja spera tarcespo ni, tadpacan manpa, tadpa medkhan gunni phia stagssshig innog. Innar lurstan ni, tadpa medkhan manpa, tadpacan gunni phanthogssi phia innog. <sup>23</sup> Kaltes chostshogs ganpo dzomste yodtus, tadpa medkhan, ya tetsogs khyuddi skorla hamagokhan rig yorste khyozhaa tshanme masheskhanni skaddi nanja spera tarin tshorna khongunni khyozhagun snyoste innog zerra manogga? <sup>24</sup> Innar kaltes khyozhaa tshanme dzomste lurstan shadin yod tus, tadpa medkhan, ya tetsogs khyuddi skorla hamagokhanni mirig yorja, khyozhe shadkhangun gyudte khongun sdigan inkhan yar Konchoggi thimscad dzadcespo hagothubbanog. <sup>25</sup> Khongunni snyinjji nanja vaste yodkhangun sjon pasar khongunni pigdor tsugste Konchogga colte zerin, "Konchog khyozhagunni foa denbaa zhugste dug."

### **Tshir nanzhin chos cocessi ka.**

#### **14:26 ne 40**

<sup>26</sup> Ona ne spungun dorlduste, khyozhagun nyampo dzom zane tshir nanzhinla, ciggi choslu tarces, ciggi labzha tarces, ciggi khyozhagunla Konchoggi sjon cugga dzadkhangunni skorla shadces, ciggi masheskhanni skaddi nanja spera tarces, yar ciggi khoe zerkhangun skadgyur cogoshes innog. I tshanma khyozhagun shedcan cocessi phia coste innog.

<sup>27</sup> Mi nyis ya summi mane, masheskhanni skaddi nanja spera tar magos. Khongunni ciggi stinje cig tshirka coste spera tarjos, yar ciggi khongunni zerkhangun skadgyur cogos. <sup>28</sup> Innar kaltes skadgyurkhan suzhigan medna, tene masheskhanni skaddi nanja spera tarjkanboe, chostshogssi nanja cubcadte dugste sarwe thogne khorar tar Konchogga spera tarjos.

---

<sup>p</sup>14:21 Yeshya speche 28:11, 12

<sup>29</sup> Mi nyis ya sumzhigga luŋstan shadcugshig, yaŋ zhanmagunla tegunni zerkhanbo denbaa Konchoggi chogsne innogga ya manog, thagcad cugshig. <sup>30</sup> Innaŋ kaltes suzhiggi luŋstan shaddi tusla, zhanmizhigga Tsooe chogsne lon somazhig thobna, tene luŋstan taŋin yodkhanni miboe luŋstan shadcespo ghaggos. <sup>31</sup> Tezug cocespoe luŋstonpa tshaŋmala luŋstan shadcessi skabs thobste chostshogs gaŋpoa lobshes taŋ spospa skyeyin. <sup>32</sup> Idtu borshig, luŋstan shadkhangunla khonraŋgunni semsnyidgun cunte bor nyannanog. <sup>33</sup> Ciazerna Konchog ni, tshirka medkhan manpa, zhideo Konchog zhugste innog, kazug zhan chostshogs tshaŋma dzom zane yodte innog.

<sup>34</sup> Chostshogssi naŋŋa dzom zane, bumogunni spera mataŋŋa duggoshes innog. Khongunni spera taŋcespo ospa manog, kazug luŋstonpa Mozessi thimssi naŋŋa molkhan naŋzhin, khongun raŋŋi magpagunni waŋŋi yogga duggoshes innog. <sup>35</sup> Kaltes khongunla ŋiwa rig yodna, khaŋpaa khoranŋunni magpagunla ŋigoshes innog, ciazerna chostshogs dzomste yodsaa bumogunni spera taŋcespo thelbazhig innog.

<sup>36</sup> Ci Konchoggi kabo, khyozhaa Korinthipagunni kane gomaraŋ cunste innog samma ragga? Ci khyozharaŋ cigpoa, tebo salla dzadssa? <sup>37</sup> Kaltes suzhiggi khoran luŋstonpa ya semsnyiddi khyud yodkhanzhig in sammadna, tene ŋe zerkhangun Tsooe ka salte inkhanbo khyoraŋŋa hagogos. <sup>38</sup> Innaŋ kaltes khyozhagunni teboa naŋmed cona, tene Konchoggi khyozhagunla naŋmed coa dzadin.

<sup>39</sup> Teboephia ŋe spungun luŋstan shadcesla riŋsshig, yaŋ zhanmaa masheshkanni skaddi naŋŋa spera taŋ magos mazershig. <sup>40</sup> Innaŋ citshaŋma tshirka naŋzhinla cocessi naŋŋa tantan coshig.

### **Mashika shikhangunni ŋone zhaŋssa dzads.**

#### **15:1 ne 11**

**15** <sup>1</sup> De spungun ta ŋa khyozhagunla ŋe sŋunla shadkhanni gamoe nastshulli skorla idtu skulcugshig. Te zane khyozhagunni te nastshulboa gasus zhuste inpin, yaŋ taruŋŋaŋ teboe naŋŋa stanpo innog. <sup>2</sup> Kaltes khyozhagunni ŋe shadkhanni gamoe nastshul idshes coskhanboe naŋŋa stanpo dugna, tene te lonboe khyozhagun skyobin, te mane khyozhagunni caŋ phanthogs medkhanzhiggi naŋŋa tadpa coste innog.

<sup>3</sup> De laga stadda dzadkhan tshaŋmesaŋ khagcanbo, ŋe khyozhagunla taŋste inpin, dampe suŋrabssi naŋŋa molte yodkhan naŋzhinla tebo ni Mashika ŋadaŋgunni sdigpe phia toŋssa dzads. <sup>4</sup> Yaŋ dampe suŋrabs naŋzhin khon spurkhaŋŋi naŋŋa bors yaŋ zhagma sumpe zhagga shikhangunni ŋone sotea zhaŋs. <sup>5</sup> Khon taŋpo Piŋarri, tene mashike skutshabs rcugnyispoe jalte inpin. <sup>6</sup> Teboe stiŋne tusciggika khonraŋŋi lobŋugs 500 saŋ maŋŋazhiggi jals, tegunni ŋone khacig toŋs tsharte innaŋ maŋcheazhig taruŋŋaŋ sotea yodte innog. <sup>7</sup> Tene khon khonraŋŋi no Yakob, yaŋ stiŋne skutshabs tshaŋme jalte inpin. <sup>8</sup> Innaŋ stiŋjugga semsnyiddi naŋŋa yamtshan tshulla skyeskhan ŋeaŋ khon jal. <sup>9</sup> Da skutshabs

tshanjme nanjne thushogpo in. De Konchoggi chostshogsgunla nags stan pasan, na skutshabs zercessi osparj med.

<sup>10</sup>Innarj dagsa na yodkhanbo ni, Konchoggi njeaka migsalli thugrjegun phoa dzadcespoe in, yarj tebo godla sonjte manog. Ciazerna ne zhanyarj skutshabsgunni sarj stsonduj manja coste las coad. Innarj tebo na manpa, Konchoggi khonranji thugrje gyudte, ne nanja chaglas dzadte innog. <sup>11</sup>De chosshaddaddo ya khonggunni, carj khyad medpa innog, ciazerna najhaa tshanjme chos tsogs shaddanog, kaboa khyozhagunni tadpa coste innog.

### **Shikhangun sontea lanja dzadces.**

#### **15:12 ne 34**

<sup>12</sup>Innarj na ibo shodshig, najzagunni Mashika shikhangunni tone sontea zhanjte innog zertearj, khyozhaa khaciggi shite stinje sontea lanjespo medkyag cia zerrad? <sup>13</sup>Kaltes shite stinje sontea lanjespo medpinna, tene Mashikarj sontea zhanjte meddo. <sup>14</sup>Yarj kaltes Mashika mazhanjpinna, tene najzagunni chosshadces tshanjma phanmithogs innog, yarj khyozhagunni tadpaboarj. <sup>15</sup>Matshad najhaa skutshabsgunni Konchoggi sparjo zunba tanje innog, ciazerna najzagunni Konchoggi Mashika spurkhanji nanjne sontea lanja dzadkhanboe sparjo tarjanog. Innarj kaltes shite stinje sontea lanjsshespo denba manpinna, tene Konchoggi Mashika sontea lanja madzadda innog. <sup>16</sup>Yarj kaltes shite stinje sontea lanjespo medna tene Mashikarj sontea mazhanjssa innog. <sup>17</sup>Yarj kaltes Mashika sontea mazhanjssa yodna, tene khyozhagunni tadpagun phanmithogsshig innog, yarj khyozhagun tarjanarj khyozhe sdigpe nanja nonscan luste innog. <sup>18</sup>Tene mashike nanja tadpa yodte shikhan tshanjarj nyalwe nanja lebste innog. <sup>19</sup>Yarj i mitshe nanja kaltes najdangunni mashike nanja sontea lanjessi rewabo tonjed inna tene najdangun tshanjmesarj sdigparig innog.

<sup>20</sup>Innarj jospoa Mashika shikhangunni tone sontea zhanjssa dzadte innog. Khonj ni shikhan tshanjme stonthog tagpoe dasbu tarjpo innog.

<sup>21</sup>Kazuggi jigstenni nanja shicespo Adam mibo gyudte yonja tsogsla ta shikhangunni tone sontea lanjsshespo Mashika mibo gyudte curjste innog. <sup>22</sup>Dadarj tshanjma Adammi purgyudgun in pasan, shianog. Tenna tsogsla mashike inkhan tshanjala mitshe somazhig salla dzaddanog. <sup>23</sup>Innarj shite stinje lanjespoea tshirkazhig yodte innog. Stonthoggi gome dasbu Mashika, logste skyod zane, khonji inkhan tshanjma sontea lanja dzadin.

<sup>24</sup>Teboe stinje thamabo lebin, khonji wanjshulpa, warj tarj shed yodkhan tshanjma medkhan coa dzadte gyaljidpo yab Konchoggi chagga phulin. <sup>25</sup>Konchoggi khonranji dao tshanjma, mashike zhabssi yogga khyonkhyon tshogpala, khonji wanjsulla dzadgos. <sup>26</sup>Yarj shices ni stinjuggi dao medkhan cocescanbo innog. <sup>27</sup>Dampe sunjabssi nanja mashike skorla molte innog "Konchoggi citshanjma khonji wanji yogga borra dzads" ona "Citshanjma khonji wanji yogga borra dzads" molla dzad zane, Mashikaa wanja salla dzadkhan Konchog khonran



teboe nanja thea madzadda innog. <sup>28</sup> Tene khonji citshanma mashike wanji yogga khyon tsharracig, mashike khonran Konchoggi wanji yogga borra dzadin, tene Konchoggi karunsa citshanmeka wanşulla dzadin.

<sup>29</sup> Kaltes shikhanzhig sontea malaŋna, tene khaciggi, shikhangunni tshabsla thuslencespoa ci gyuntshan yodkyag. Kaltes shikhangun sontea lanja medna, khongunni tezug ciphia coste innog.

<sup>30</sup> Yan sontea lanjespo medpinna, tene ciphia nãzhe nãzharanji mitshe jigspenanja tusgyun borranog. <sup>31</sup> Spungun tantanla ne zhagtan shicessi jigspagun donlen coad. Yan nãdanji Tsoo Mashika Yeshui khyozhagunni nanja chaglas zanpo coa dzadkhanboe nanja ne phoso tshorkhanboan, denba innog. <sup>32</sup> Yan kaltes shite stinje sontea lanjespo medna, rii nanja dugkhanni semscan tsogs, te ephesaspagun nyampo nolkanboe na ci phanthogs yonj. Yan tadpa medkhangunni zerkhan tsogsla nãdanjan zerşidces innog, "Yonshig, zen thunjin, ciazerna thore nãdanjun shianog."<sup>m</sup> <sup>33</sup> "Shite stinje sontea lanja manog" zerkhangun tsogsla khyozhagun bunbu magyurshig. "Topa nanpe scodpa zanpo shigganog" zercespo idtu coshig. <sup>34</sup> Fanpo mankhanni samba phanste shesrabscan rig gyurte sdigpa macoshig. Khyozhagun thelcugcesla ne zerrad, khyozhaa khacigga Konchog shes khoran shessa manog.

### **Shikhanni zugspo lanja dzadces.**

#### **15:35 ne 58**

<sup>35</sup> Innan khyozhagunni ŋone khaciggi, "Kazuggi shikhanzhig lanj nyannanog? Khongunla zugspo kazugshig yonjanog?" Zerte ŋidces innog. <sup>36</sup> Ci samba medkhanni ŋiwazhig innog! Khyozhagunni saon tab zane, tebo mizhig shite se nanja subskhan tsogsla subste mastogs, skyea manog. <sup>37</sup> Yan khyozhagunni tabkhanbo skyekhanni saspos manpa khyozhagunni tabkhanni to ya yanrigssi saonzhig innog. <sup>38</sup> Tene Konchoggi teboa khonranji thugsdod nanzhinla, zugspo somazhig salla dzaddanog. Saon rere tenna rigssi zugspoe nanja ldannanog. <sup>39</sup> Tenna tsogsla sha rigs manpo yodte innog, rigs cig ni mi, yançig semscan, yançig caciu, yançig nya innog.

<sup>40</sup> Namkhe zugs tan jigstenni zugs nyis yodte innog. Namkhe zugsgunni zilbo ni jigstenni zugsgunni san soso rig yodte innog. <sup>41</sup> Nyima khoranjan zil rigs cig, yan lzawa tan skarmagunla zhayanjan zil rigs cig yodte innog, skarma tshanme nanjan khoran cig tan ciggi nanja zil soso rig yodte innog.

<sup>42</sup> Tenna tsogs, shite stinje sontea lanjshespoan innog. Nãdanjun shi zane, nãdanji jigstenni zugspogun se nanja subbanog, innan tegun tusgyun lusshessi phia sontea lanja dzadces innog. <sup>43</sup> Zhan tegun spal medte subnan, tegun zilli nanja lanjssanog. Tegun shedmedkhanni nanja subbanog, innan tegun shedcan gyurte lanja dzadces innog. <sup>44</sup> Tegun mii zugspoe tshulla subbanog, innan semsnyiddi zugspogunni tshulla lanja dzadin, kazug ranzhinni zugspogun yodda tsogsla, semsnyiddi zugspogunnan yodte innog.

---

<sup>f</sup>15:32 yeshaye speche 22:13

<sup>45</sup> Dampe sunrabssi nanja molte innog "Adam mi tanpobo, şog yodkhanni mizhig dzadte inpin<sup>s</sup>" innan thame Adam, kabo Mashika zhugste in, khonj ni nđanjanja thugnyiddi mitshe salkhan zhugste innog. <sup>46</sup> Tanpobo ni thugnyiddi zugspo manpa, ranzhinni zugspozhig inpin, te stinje thugnyiddi zugspobo cunste innog. <sup>47</sup> Adam zerkhanni mi tanpobo, jigstenni se kane coa dzadte inpin, innan mi nyispa Mashikaa namkhane phebste inpin. <sup>48</sup> Jigstenni migun jigstenni mibo tsogs, yan namkhe migun namkhe mi tsogs yonjanog. <sup>49</sup> Kazug dagsa nđanjanog jigstenni mibo tsogs in, zhagshig nđanjanog namkhe mibo tsogs gyurces innog.

<sup>50</sup> Spungun ñe zercessi tontagpo ni, nđanjanog i zugspoboa Konchoggi gyalşid norskalla thobba manog. Shicescanni i zugspoa tusgyun lusshescanni Konchoggi gyalşidpo norskalla mithob. <sup>51</sup> Innan ñe khyozhagunla Konchoggi sanwe thabldinşpo şjoncugin. Nđanjanog nanje tşanjanma mishi, innan nđanjan tşanjanme nanja gyurja khyonjan dzadin. <sup>52</sup> Tegun mig tabkhan tsogsla hunmedla cunşes innog nam Konchoggi phonyagunni thame tunbo phuin. Tunbo phuacig, şite yodkhan tşanjan tusgyunni phia sontea lanjan dzadces tan nđanjan sontea luskhangunni nanja gyurja khyonjan dzadin. <sup>53</sup> Nđanjanog rulcescanni zugspo mirulces yan şicescanni zugspo tusgyun sontea luskhan gyurgos.

<sup>54</sup> Nđanjanog şicescanni zugspogun mane mishicescanni zugspoe nanja gyurracig, i dampe sunrabşpo đanđa đubces innog, "Konchoggi gyalkhe şicespo medkhan dzads.<sup>t</sup>"

<sup>55</sup> "Wa şices, ta khyoranjan gyalkhabo kare.

Wa şices, ta khyoranjan zugzerbo kare?"<sup>u</sup>

<sup>56</sup> Sdigpe zhaste migunnika şices cunjanog, yan thims gyudte nđanjanja sdigpe, ma jigspa thestor cokhanni wanbo hagoanog. <sup>57</sup> Innan Konchogga thugrejeche, khonjan nđanjanog Tsoo Yesu Mashika gyudte nđanjanogla sdigpa tan şicesşika gyalkhaa salla dzadte innog.

<sup>58</sup> Teboephia ñe spungun tadpe nanja şedcan tan stanpo gyurşig. Tusgyun Tsooe phia rinşinzhig zhabstog zhushig, ciazerna Tsooe phia cizhig conan, godla michacespo khyozhagunla gyusinnog.

### Tadpacangunla gyunorri rogs.

#### 16:1 ne 4

**16** <sup>1</sup> Ta Yerusalemni nanja Konchoggi migunni phia lduin yodkhanni pene skorla khyozhe řiwa řikhanni lanla, galatiye chostshogşgunla ñe tankhanni labzhe nanja khyozhagunnađ đulgoşes innog. <sup>2</sup> Zanyima rimşsi khyozhagunni ranranjan las coste thobkhanni penei nanje khagzhig thente, borgoşes innog. Da teru yonjon tşagpa şunste madugga, tebo dagsane pharla coşig. <sup>3</sup> Da teru lebste skyegun Yerusalemni nanja khyercessi phia khyozhagunni ldamkhanni lonkhyerkhangunla, ñe gyabşheddi ige rig điin. <sup>4</sup> Yan kaltes khyozhagunni ñaa

<sup>s</sup>15:45 gozuggi speche 2:7

<sup>t</sup>15:54 Hoshayi speche 25:8

<sup>u</sup>15:55 Hoshayi speche 13:14

khongun nyampo chacespo phanthogscan dug samna, khongun ña nyampo yonñan ñigste innog.

### Paului stinjuggi labzhagun.

#### 16:5 ne 18

<sup>5</sup>Da makedoniye yulla sonje stinje, khyozhagun yodsa thuggala yonjin, ciazerna ñe Makedoniya gyudte besla chacessi thabldinje in. <sup>6</sup>Cigyus ña khyozhagun nyampo banshig dugin ya ghun ganpoañ, tene khyozhagunni ña kayulla chanañ, teru ñaa ghosdomgun tanje lamcug nyances innog. <sup>7</sup>I lan ña tsapigzhig thugga yonje chacessi dodpa merag, kaltes Tsooe ña goñspa salla dzadna, ña yonje tusbanshig dugnyinrag. <sup>8</sup>Innañ pentikossi gaston lebleb tshogpala, ña iru ephesassi gyalse nañña dugin. <sup>9</sup>Zhan iru manpozhighi ñe gyabgal conañ, ña ñasbu zañpo sminşidescanni las gyalla cocessi skabs zañpo rig thobste yod.

<sup>10</sup>De spun Timothi leb zane, khyozhe ñoa khoa jigsnañ yon macugshig ciazerna ñe cokhan tsogsla khoñ Tsooe lasgun coin innog. <sup>11</sup>Suzhiggañ khoa rinmed co macugshig. Kho ña yodsa logste yon zane khyozhagunni, cinlabs nyampo kho lamcugshig. Kho zhanyañ tadpacangun nyampo yoncessi ñe rewa coad.

<sup>12</sup>Ta ñadañgunni spun Apolossi skorla zhuna, ñe khoa khyozhagunnika zhanyañ tadpacangun nyampo chacesla spospa tanjin zhuwa phulpin, innañ khoa dagsa chacessi dodpa mirug. Yan skabs thob zane kho khyozhagunla thugga yonjin.

<sup>13</sup>Shar coshig; tadpe nañña stanpo dugshig; semsshugscan yan tadpe nañña shedcan gyurte dugshig. <sup>14</sup>Citshañma cessa nyampo coshig.

<sup>15-16</sup>Khyozhagunla gyusinnog, Stephannas tanj khoe nañmi tshañma rissi nañña tadpacan tanporañ inpin. Yan khongunni Konchoggi migunni phia zhabstog zhucessi nañña tusgun phudin innog. Spungunla ñe spospa tanjin zhuwa in, khyozharangun khongun tanj zhanyañ itsogssi dodpa nyampo zhabstog zhukhangunni waññi yogga borshig. <sup>17</sup>Dadaññi spun Stephannas, Phorcunnatus tanj, Akhikas gun iru lebcospoe ña ma thadpo rag, ciazerna khongunni khyozhe tshabs coste ña rogs corug. <sup>18</sup>Khyozhagunla yodda tsogsla khongun ñe phiañ halassi spospa rig gyurte in. Khoñ tsogssi mi, gyalla coste zhabstog zhukhangunla khyozhagunni stodpa phulgos.

### Paului stinjuggi ju zhus.

#### 16:19 ne 24

<sup>19</sup>Asiae gyalkhaggi nañña yodkhanni chostshogsgunni Tsooe tshanni nañña ju kaldug. Spun Akuilaa tanj khoe nama risila yan khonñi khañpe nañña tshogskhanni chostshogssiañ ju kaldug. <sup>20</sup>Iru yodkhanni spun tshañme khyozhagunla ju kaldug. Cig tanj cigga camspa nyampo ju zhus.

<sup>21</sup>Ta ña Paului ige ñikhanboe kane nyigu khyonje ñaraññi lagdissi nañña ju kallad.

<sup>22</sup>Kaltes suzhiggi Tsooa cessa coa medna, te miboa ñan phogganog. Dadañgunni Tsoo gyogspa skyodshig.

<sup>23</sup> Tsoo Yeshui thugrje khyozhagun nyampo lusshig.

<sup>24</sup> Mashika Yeshui inkhan tshanmala ne cempa kallad.